

十九史略通考

三

和

和装本

伊
2.228
3





古今歷代標題註釋十九史略通考卷三之上

前進士廬陵 曾 先 之 編次

松塢門人番陽竹篙余進字海通考

東漢

○

世祖光武皇帝名秀字文叔長沙定王發之後也景

帝生發發生春陵節候買侯再三世徙封以南陽白

水鄉為春陵宗族往家焉南陽郡名屬湖南今襄陽府按買生載候熊渠熊渠

生考侯仁仁以南方早濕徙封故曰侯再三世也買少子外外生回回生南

頓令欽欽生秀於南頓有嘉禾一莖九穗之瑞故名

少令皆去聲穗音遂○南頓邑名屬汝南穗禾穎也亦作穗先是有望氣者望春

嘉禾之瑞

全準
日角

陵曰氣佳哉鬱鬱葱葱然鬱鬱葱葱言氣之條暢也王莽改貨曰

貨泉人以其字為白水真人秀竟從白水起石氏曰白水是

故光武從白水鄉起兵以應識文隆準日角受尚書

通大義準音拙○隆高準鼻也日角謂庭嘗過蔡少

公少公學圖識言劉秀當為天子或曰國師公劉秀

乎秀戲曰何由知非僕邪少去聲○劉歆改名秀事王莽為國師士庶自稱曰

僕及新市平林兵起南陽騷動宛人李通迎秀起兵

騷擾也秀兄續字伯升慷慨有大節憤憤欲復社稷

平居不事家人生業傾資破產交結天下雄俊至是

分遣親客發諸縣兵續自發春陵子弟皆恐懼亡匿

絳衣大冠

曰伯升殺我及見秀絳衣大冠驚曰謹厚者亦復為

之乃自安伯升殺我謂伯升必助而我上殺也○部署賓客招說諸帥

新市平林下江兵皆來會兵多無所統一欲立劉氏

從人望下江將王常等欲立續新市平林將帥憚其

威明遂立更始以續為大司徒秀為將軍說音稅下並同秀

徇昆陽定陵鄗皆下之鄗音偃○昆陽定陵二縣皆屬潁川鄗城縣屬許州王

莽遣王邑王尋大發兵平山東以長人巨無霸為壘

尉驅虎豹犀象之屬以助兵勢號百餘萬旌旗千里

不絕巨姓無諸將見兵盛皆走入昆陽欲散去秀至

鄗定陵悉發諸營兵自將步騎千餘為前鋒騎去聲後並同

立劉氏從人望更始以秀為將軍

邑尋
兵潰

尋邑遣兵數千合戰秀奔之斬首數十級諸將曰劉
將軍平生見小敵怯今見大敵勇甚可怪也尋邑兵
却諸部共乘之連勝遂前無不一當百當去聲○却退也乘之謂
衆彼兵退而秀與敢死者三千人衝其中堅尋邑兵
亂漢兵乘銳崩之遂殺尋中軍兵最精銳故曰中堅乘銳崩之謂乘我之銳而
崩敗之也昆陽城中守者亦鼓譟出中外合勢呼聲動天
地莽兵大潰走者相踐伏屍百餘里會大雷風屋瓦
皆飛雨下如注虎豹皆股戰溺死渚川者萬數關中
聞之震恐海內豪傑響應皆殺莽牧守自稱將軍用
漢年號旬月徧天下呼應皆去聲渚丈理反○潰亂也注澆也股戰足股震也渚水

日盛
威名
更始
封拜
秀武
信侯

鄧禹
杖策
追秀

出南陽魯陽縣東北入海續兄弟威名日盛更始殺續秀不敢服
喪飲食言笑惟沈帝有涕泣處更始慙拜秀大將軍
封武信侯未幾以秀行大司馬事遣徇河北所過除
莽苛政吏民大悅爭持牛酒迎勞秀皆不受勞去聲後並同
南陽鄧禹杖策追秀及於鄴秀曰我得專封拜生遠
來寧欲仕乎禹曰不願也但願明公威德加於海內
禹得效其尺寸垂功名於竹帛耳更始庸才帝王大
業非所任明公莫如延攬英雄務悅民心立高祖之
業赦萬民之命天下不足定也秀大悅命禹常宿止
於中與定計議攬音覽○南陽府名屬河南非前南陽郡也鄴縣名屬魏郡封拜封侯拜

王郎詐稱

蕪亭粥

王霸水合

將也尺寸者誦言尺寸耶鄆卜者王郎詐稱成帝子

短才也不足定言易也

子輿人耶鄆稱帝徇下幽冀州郡響應幽州名屬北平今大興府

是也冀九州之一今屬河北秀北徇薊上谷太守耿况子弇馳至

盧奴上謁秀留署長太史曰是我北道主人也薊音計弇

道主也薊城反應王郎秀趣出城晨夜南馳至蕪葦亭

馮異上豆粥至饒陽乏食至下曲陽聞王郎兵在後

趣促同蕪音閭○蕪葦亭在深州至滹沱河候吏還

白河水流漸熱船不可濟秀使王霸視之霸恐驚衆

還即詭曰水堅可渡遂前至河冰亦合乃渡未畢數

騎而冰解滹音呼沱音陀漸音斯○陳氏曰滹沱河

入海候吏官名蓋今之駙丞也流漸謂之駙也至南宮遇大風雨入道旁

空舍馮異抱薪鄆火秀對竈燎衣異復進麥飯

藝如劣及復扶又反○南宮縣名屬冀州熱燒也燎炙也

所之有白衣老人指曰努力信都為長安城守去此

八十里秀即馳赴之下博鎮名在深州靜安縣時更始都長安獨信都太守不肯降

王郎故謂其為長安城守也時郡縣皆已降王郎獨信都太守任

光和戎太守邳彤不肯光聞秀至大喜彤亦來會發

旁縣得精兵移檄討王郎郡縣還復響應邳音丕彤音容應去

聲秀引兵拔廣阿披輿地圖指示鄧禹曰天下郡縣

地拔輿圖

郎斬王

馮異

更始
立秀
為蕭
王

如是今始得其一子前言不足定何也禹曰方今海

內殺亂人思明君猶赤子慕慈母古之興者在德厚

薄不在大小也廣阿縣名屬鉅鹿地象車輿載物故曰輿地一說輿衆也耿弇以

上谷漁陽兵行定郡縣會秀於廣阿進拔邯鄲斬王

郎得吏民與郎交書數千章秀會諸將燒之曰令反

側子自安反側子謂反叛不正之人也秀部分吏卒皆言願屬大

樹將軍謂馮異也為人謙退不伐諸將每論功異常

獨屏樹下故有此號屬首竹屏音丙○部分部署處分也屬連附也伐誇功也屏退

也更始遣使王擊銅馬諸賊悉破降之諸將北未平不就徵使去聲

推赤
腹置

未信降者降者亦不自安王敕各歸營勒兵自乘輕

騎案行諸部降者相語曰蕭王推赤心置人腹中安

得不效死乎悉以分配諸將南徇河內語去聲推音吹○銅馬當

時賊流也河內郡各屬河東今懷孟府赤眉西攻長安王遣將軍鄧禹

將兵入關禹薦寇恂文武備具有牧民御衆之才使

守河內恂音荀御治也王自引兵徇燕趙擊尤來大槍等賊

盡破之槍音鏃○尤來大槍皆當時之賊號也王還至中山諸將上尊

號不許至南平棘固請又不許耿純曰士大夫捐親

戚棄土壤從大王於矢石之間固望攀龍鱗附鳳翼

以成其所志耳今留時逆衆恐望絕計窮則有去歸

諸將
請上
尊號

之思大衆一散難可復合馮異亦言宜從衆議中音仲捐

音表○中山府名屬河北一南會儒生疆華自關中奉

赤伏符來曰劉秀發兵捕不道四夷雲集龍鬪野四

七之際火爲主野叶上與反○集覽曰疆華人姓名

漢所尚也伏藏也龍鬪謂郡雄角力也易曰龍戰于

野是也四七二十八也自高祖至光武初起合二百

二十八年也或曰光武二十八歲起兵又二十羣臣

八將皆應四七之數火爲主言火德當興也

因復請乃即皇帝位於鄗南大赦改元建武鄗音固

定州鄗南者鄗邑之南也石氏曰更始雖庸才南面之君也光武雖豪傑北

面之臣也更始未亡而光武先立是叛君也

愚謂更始雖君而柔懦無爲遊燕無度加以諸將

暴橫億兆離心其亡可立而待也光武以帝室之

胄才明勇略中外屬心苟不早正位號以收衆望

則社稷爲他人有也必矣蓋當此之時社稷爲重

君爲輕卽位於鄗南者所以爲社稷計也何叛之

有哉故綱目於其起兵也書興復帝室於其卽位

也書卽皇帝位則其予之意可見矣學者宜玩心

焉

赤眉
劉盆子

赤眉樊崇等立宗室劉盆子爲帝年十五時在軍中

主牧羊被髮徒跣敝衣赭汗見衆拜恐畏欲啼盆子城陽

封更始為淮陽王以卓茂為太傅

鄧禹名震

王萌之子也步行曰徒賊入長安更始出奔帝下詔封為淮陽王未幾降赤眉為所殺為所為去聲宛人卓茂嘗為密令教化大行道不拾遺上即位先訪求茂以為太傅封褒德侯密縣各屬鈞州司馬公曰光武即位之初群雄競逐四海鼎沸彼摧堅陷敵之人權略詭辯之士方見重於世而獨能取忠厚之臣旌循良之吏拔於草茅之中置諸羣公之首官其光復舊物享祚久長盖由知所先務而得其本原故也車駕入洛陽遂都之○關中未定鄧禹引眾而西號

關西

遣馮異關入赤眉破

失東隅收桑榆

百萬所至停車駐節勞來百姓垂髻戴白滿車下名震關西至掬邑久不進兵赤眉大掠而去禹乃入長安赤眉復入禹戰不利徵還京師勞來皆去聲拘音迢○髻小兒髮也言垂髻髮之童子戴遣馮異入關禹慙無功要異求攻赤眉大戰於回谿敗績收散卒堅壁已而大破赤眉於崱底璽書勞異曰始雖垂翅於回谿終能奮翼於澠池可謂失之東隅收之桑榆要與邀同勞去聲○回谿在弘農澠池縣北崱山名底猶下也一名欽岭山在澠池縣西烏垂翅則豎喻也桑榆日入處喻晚也淮南子曰西日垂景在樹端是也赤眉餘眾東向宣陽上勒兵待之樊崇以劉

劉永

彭寵
負功
敗自反

盆子及丞相徐宣等肉袒降上陳軍馬令盆子君臣
 觀之謂曰得無悔降乎宣叩頭曰去虎口歸慈母誠
 歡誠喜無限上曰卿所謂鐵中錚錚庸中佼佼者也
 各賜田宅錚初耕反倭古巧反○集覽○睢陽人斬
 劉永以降永在更始時立為梁王更始亡永稱帝至
 是敗睢陽郡名屬河○漁陽太守彭寵奴斬寵來降
 初上討王郎寵發突騎轉糧不絕自負其功意望甚
 高不能滿幽州牧朱浮與書曰遼東有豕生子白頭
 將獻之道遇群豕皆白以子之功論於朝廷遼東豕
 也上徵寵寵自疑遂反至是敗騎去聲朝音潮後並同○男使曰奴突騎

馮詔勞
異

師古曰言其驍銳可以冲突敵人劉永所立齊王張步降上初以步
 為東萊太守已而受永命王齊將軍耿弇屢戰大敗
 之拔祝阿濟南臨菑車駕至臨菑勞軍謂弇曰將軍
 前在南陽建大策嘗以為落落難合有志者事竟成
 也步敗齊地悉平王齊之王去聲○東萊郡名屬山
南縣名屬益都○將軍吳漢等擊斬劉永所立海西
 王董憲及叛將龐萌等江淮山東悉平時惟隗囂公
 孫述未平上積苦兵間謂諸將曰且當置此兩子於
 度外耳置捨棄也○馮異自長安入朝上謂公卿曰是我
 起兵時主簿也為吾披荆棘定關中詔勞異曰倉卒

冠君
借一
年

隗囂
死

蕪葦亭豆粥滹沱河麥飯厚意久不報

為勞皆去聲
卒倉沒反

披開也荆棘皆惡木名
紛亂也倉卒急遽之意

○建武八年帝自將征隗

囂潁川盜起帝還宮謂執金吾寇恂曰潁川迫近京

師獨卿能平之耳從九卿復出可也恂勸上親征賊

悉降恂竟不拜郡句百姓遮道曰願從陛下借寇君

一年乃留恂鎮撫受納餘降大軍不戰而還執金吾
官名蓋

九卿之屬言恂已為執金吾九卿之貴從此復出為
郡守可也徐官曰拜言帝拜恂為守恂竟辭謝不肯

受命○九年隗囂死囂自更始初起兵至建武初據

天水自稱西州上將軍天水郡名
即秦州後嘗遣馬援往成

都觀公孫述接與述舊謂當握手權如平生時述已

稱帝四年矣援既至盛陳陛衛以迎援

馬援字文
扶風茂陵人

陳陛衛謂陳
兵衛於陛下援謂其屬曰天下雌雄未定公孫子不

吐哺迎國士反脩飾邊幅如偶人形此何足久稽天

下士乎雌雄未定言勝負未決也脩飾邊幅謂
如布帛脩整雜飾其邊幅也稽留也因辭

歸謂囂曰子陽井底蛙耳而妄自尊大不如專意東

方子陽述字也井底蛙語出莊子言其所見者
小也專意東方謂西事述不如東事光武也囂乃

使援奉書雒陽初到良久即引入上在殿廡下岸幘

迎笑曰卿遨遊二帝間今見卿使人大慚廡音武
雜即洛字

光武以漢火德為水克火故去
水而從也援頓首曰當今非但

君擇臣臣亦擇君臣與公孫述同里閭少相善臣前

公孫
述井
底蛙

帝自王
真有

馬援
謂帝
前世
無比

至蜀述陸載而後進臣臣今遠來陛下何知非刺客
姦人而簡易若是開音汗少易皆去聲○里門曰開
為儀衛也簡易上笑曰卿非刺客顧說客耳說音稅
簡略平易也遊談之客也援曰天下反覆盜名字者不可勝數今見陛

下恢廓大度同符高祖乃知帝王自有真也

勝音分

○反覆言不定也盜名字謂群雄

援歸翼問東方事

援曰上才明勇略非人敵也且開心見誠無所隱伏

闊達多大節略與高祖同經學博覽政事文辯前世

無比節操也翼曰卿謂何如高帝援曰不如也高帝

無可無不可今上好吏事動如法度又不喜飲酒好

聲○不如者言高帝亦不如也無可無不可只是獨在

翼不憚曰如卿言反復勝耶

釋音亦悅也反復勝者

多大節不如高祖之寬仁大度也高帝無可無不可

遣子入侍未幾反復嘗問班彪以戰國從橫之事彪

作王命論以風之翼不聽

彪甫休反從音宗論風皆

魏紀王命論詳見馬援詣行在上復使游說仍自賜

為聚米
山

翼書翼竟臣於公孫述述立翼為朔寧王上征翼援

在上前聚米為山谷指畫形勢開示軍士所從徑道

上曰虜在吾目中矣遂進軍翼奔西城病餓恚憤而

死子純降隴右悉平

悉音惠○天子車駕所幸之次

公孫述亡

伐蜀征南公為重

入朝融

○十二年公孫述亡述茂陵人自更始時據蜀稱帝國號成上既平隴右曰人苦不自足既得隴復望蜀遣大司馬吳漢等將兵會征南大將軍岑彭伐蜀彭在荆門裝戰船漢欲罷之彭不可上報彭曰大司馬習用步騎不曉水戰荆門之事一惟征南公為重而已彭戰船並進所向無前述使盜刺殺彭吳漢繼進至成都擊殺述蜀地悉平騎去聲○荆門州名屬湖北步謂步軍騎謂馬軍言吳漢習用步軍馬軍不諳水戰荆門之事盡當歸重於岑彭也○涼州牧竇融率河西武威張掖酒泉燉煌金城五郡太守入朝融自建武初據河西後遣使奉書上以為牧賜璽書曰議者

必有任囂教尉佗制七郡之計書至河西皆驚以為

天子明見萬里之外上征隗囂融率五郡兵與大軍

會至是奉詔歸朝拜冀州牧燉音屯佗音泥○涼州屬甘肅即武威郡今永昌府張掖今甘州酒泉今肅州府燉煌今沙州並屬甘肅金城今蘭州屬鞏昌七郡蒼梧鬱林合浦交趾

九真日南南海也秦二世時南海尉任囂病革召趙佗教以制七郡之謀曰聞劉項起兵中國擾亂且南海東海數千里可以立國即以佗行南海尉事先是

代王盧芳死

隗囂說竇融曰當各據土宇隴蜀合從高可為六國下不失尉佗融不從至是○十八年代王盧芳死於

匈奴芳安定人詐稱武帝曾孫劉文伯自建武初據

安定匈奴迎之立為漢帝數為邊郡寇患後來降王

匈奴和奴

于代復反走匈奴以病死數音頻○定安郡名今鳳翔府是也○二十

親

西域
請都
護

二年匈奴求和親許之自呼韓邪單于死于成帝時
 其後累世皆仕漢平帝時王莽頒條於匈奴謂中國
 無二名諷單于改名莽篡漢易漢所賜單于璽曰章
 單于怨恨數寇邊建武以來匈奴助盧芳寇漢後又
 數與烏桓鮮卑連兵入寇至是始請和數音朔○頒
條音降條例
 復請都護不許遂附於匈奴先是莎車王賢鄯善王
 安皆遣使奉獻賢使再至上賜賢都護印綬邊郡守
 上言不可假以大權詔收還更賜大將軍印賢恨猶
 詐稱大都護諸國悉服屬賢驕橫欲兼并西域句諸

也二名二字名也璽以玉為之章以銀為之○西域
易璽曰章是輕之也烏桓鮮卑並東夷國名

國懼凡十八國遣子入侍願得漢都護上厚賜遣還
 其侍子至是復請上復却之鄯音善更平聲屬音竹
橫去聲莎車鄯善並西

名域國

班固曰孝武之世圖制匈奴患其兼從西域結黨
 南寇乃表河曲列四郡開玉門通西域以斷匈奴
 右臂隔絕南羗月氏單于失援由是遠遁而漠南
 無王庭矣然通西域近有龍堆遠則葱嶺身熱頭
 痛懸度之阨淮南杜欽揚雄之論皆以為此天地
 所以界別區域絕外內也西域諸國皆有君長兵
 衆分弱無所紘一雖屬匈奴不相親附匈奴能得

單于 欵塞 立南 庭于

其馬畜旃罽而不能統率與之進退與漢隔絕道里又遠得之不為益棄之不為損盛德在我無取於彼故自建武以來西域思漢威德咸樂內屬數遣使置質于漢願請都護聖上遠覽古今因時之宜辭而未許雖大禹之序西戎周公之讓白雉太宗之却走馬義兼之矣

二十四年匈奴南邊八部立日逐王比為南單于欵漢塞內附於是分為南北匈奴匈奴至反○日逐王匈奴貴王之號比其名也欵塞說見景帝紀○二十五年朔人鮮卑烏桓並入朝音朔○二十六年立南單于庭句置使句匈奴中

北匈奴 親求

第五倫 稱主

郎將以領之徙南單于居西河美稷

使去聲○西河郡名屬山西今

汾州美稷其屬城也

○二十七年北匈奴亦遣使求和親不許

明年又請許之

使去聲

○中元二年帝崩葬原陵上起

兵時年二十八即位年三十一第五倫每讀詔書歎

曰此聖主也一見決矣

第五倫名也

手書賜方國一札十

行細書成文

行音抗

○手書親手書也方國四方諸侯國也

明慎政體

總覽權綱量時度力舉無過事

度音鐸

嘗幸南陽置酒

會宗室

句

諸母相與語曰文叔平日與人不欵曲惟

直柔耳乃能如此上聞之笑曰吾理天下亦欲以柔

道行之

天子車駕所至之處民臣皆以為僥幸故曰幸諸母伯叔母也欵曲欵盡私曲也

胡氏曰君道則天而不可過於剛故不耀威武不峻刑誅謙抑以受言温恭以接下所以濟其剛也臣道則地而不可過於柔故不為利回不為祿徙君不義則必爭道不合則必去所以濟其柔也此所謂天道下濟地道上行上下交而其志通君臣之理正光武之謂也

上在兵間久厭武事蜀平後非警急未嘗言軍旅北匈奴衰困臧宮馬武上書請攻滅之鳴劍抵掌馳志於伊吾之北矣上報書告以黃石公包桑記曰柔能勝剛弱能勝強自是諸將莫敢言兵閉玉門關謝絕

西域 抵掌猶言拍手也伊吾城名在瓜州晉昌縣北包桑記蓋張良圯上所受之書也玉門關在燉

吏事
責三
公

煌西保全功臣不復任以兵事皆以列侯就第以吏

事責三公亦不以功臣任吏事諸將皆以功名自終

集覽曰吏事責三公謂以大尉公掌四方兵事司徒公掌人民孝悌謙儉事司空公掌水土營城邑浚溝洫脩墳坊事也光武盡侯諸將不任以祭遵先卒上

事俾皆令終賢於高帝之處韓彭遠矣念之不已祭音債來歙岑彭死鋒鏑卹之甚厚歙二

吳漢
隱若
敵國

音鏑音的卹恤同○兵刃曰吳漢賈復終於帝世漢

在軍或戰不留意氣自若上嘆曰吳公差強人意隱

若一敵國矣每出師朝受詔夕就道及卒上臨問所

欲言漢曰臣愚願陛下慎無赦而已集覽曰意氣自若言不驚恐也

差猶較也言漢基起發人意
思隱然若一敵國之強也

賈督 有折 衝威
馬援 討交 陵蠻 趾武

唐太宗曰赦者小人之幸君子之不幸也夫養稂

莠者害嘉穀赦有罪者害良善故朕不欲數赦恐

小人恃之輕犯憲章吳漢諫光武無赦亦此意也

復自起兵時為督上曰賈督有折衝千里之威嘗戰

被傷上驚曰吾嘗戒其輕敵果然失吾名將聞其婦

有孕生子邪我女嫁之生女邪我子娶之其撫羣臣

每如此折衝摧折惟馬援卒之日恩意頗不終焉援

嘗曰大丈夫當以馬革裹尸安能死兒女手裏音果

交趾反援以伏波將軍討平之武陵蠻反援又請行

上愍其老援被甲上馬據鞍顧盼以示可用上笑曰

矍鑠哉是翁乃遣之矍音脚武陵郡名屬湖廣今常德府周為蠻蠻所居愍也

先是上婚梁松嘗候援拜床下援自以父友

不答松不平候謂省問也拜床援在交趾嘗遣書戒

其兄子曰吾欲汝曹聞人過如聞父母名耳可開口

不可言兄子謂馬嚴馬敦並喜譏議而好議論人長

短妄是非政法不願子孫有此行也好行皆去聲

儉吾愛之重之願汝曹效之吳氏訥曰伯高名述漢

敦厚敦篤而重厚周慎周密而謹慎謙約節儉則不
為驕奢此與好譏議事豪俠者相反故欲其效之也

援書 戒兄 子

松構
援陷馬

杜季良豪俠好義憂人之憂樂人之樂清濁無所失
父喪致客數郡畢至吾愛之重之不願汝曹效之也
好去聲樂音洛○吳氏曰季良名保亦京兆人仕至
越騎司馬豪俠好義故能憂人憂而樂人樂矣清濁
無所失故父喪致客而數郡畢至矣此
正通輕俠客之事故不欲其效之也效伯高不得
猶為謹勅之士所謂刻鵠不成尚類鶩也效季良不
得陷為天下輕薄子所謂畫虎不成反類狗也鶩音
木○
吳氏曰謹勅謂能脩檢輕薄謂不厚重鶩皆鳥而
略相似虎狗皆獸而大不同故刻鵠類鶩人猶以為
非畫虎類狗則爭笑侮而辱矣季良者杜保也保仇
人上書告保以援書為證保坐免官松坐與保游幾
得罪愈恨援幾平至是援軍至壺頭不利卒軍中松

歐陽
賊犯

構陷之追收新息侯印綬壺頭山名在辰州沅陵縣
東構陷謂結構以陷之於
也罪援前在交趾嘗餌薏苡以輕身勝瘴氣軍還載之
一車後有追譖之者以為明珠文犀上益怒得朱勃
上書訟其寃乃稍解餌音二勝音升○餌服也薏苡
藥名似黍差大味耳微寒主風
濕痺下氣久服則輕身延年勝
當也文犀犀角之有文者也
胡氏曰光武平日料敵制勝明見萬里之外乃於
此舉屢失事宜得非春秋既高智有所困邪不然
有臣如援而不保令終其為君德之累豈小小哉
上於賊罪無所貸大司徒歐陽歛嘗犯賊歛所授尚
書弟子千餘人守關求哀竟不免死於獄賊音賊賄
賂也貸寬

宋弘
不諧

也所用群臣如宋弘等皆重厚正直上姊湖陽公主

嘗寡居意在弘弘入見主坐屏後上曰諺言貴易交

富易妻人情乎弘曰貧賤之交不可忘糟糠之妻不

下堂上顧主曰事不諧矣見音現諺音彥○意在弘欲嫁之也諺俗語也易改

換也糟糠謂貧而食糟糠也不下堂謂不忍出之也諧合也主有蒼頭殺人匿主

家吏不能得洛陽令董宣候主出行奴驂乘叱下車

格殺之主入訴上大怒召宣欲搥殺之宣曰縱奴殺

人何以治天下臣不須搥請自殺即以頭叩楹流血

被面上令小黃門持之使叩頭謝主宣兩手據地終

不肯上救強項令出賜錢三十萬宣字少平陳留人○

董宣
強項

守令
皆良

奴曰蒼頭候同也搥擊也小黃門宦官也以其不屈伏故救曰強項令當時州牧郡守

縣令皆良吏下同郭伋守潁川近帝城上勞之曰

九里
河潤

河潤九里京師蒙福勞去杜詩守南陽郡人為之語

杜母
召父

曰前有召父後有杜母信臣也宣帝時守南陽杜母

桑無
附枝

即杜詩言二子皆足以為民之父母也按詩政張堪治清平興利除害百姓便之故為之語曰云云張堪

麥穗
兩岐

守漁陽郡人為之語曰桑無附枝麥穗兩岐張堪為

政樂不可支岐音其樂音洛○漁陽郡名今薊州附

莖兩穗也支度也按堪視事八年匈奴不敢犯塞勸民耕稼以致殷富故郡人語曰云云劉昆為

令江陵有火叩頭向之反風滅火後守弘農虎北渡

河上問行何德政而至是昆曰偶然耳上曰長者之

周黨
伏而
不謁

言也命書之策

長上聲○江陵縣名屬江陵府弘農郡名屬河南今陝州策史籍也

尤

重高節徵處士周黨至不屈伏而不謁或奏詆之上

曰自古明王聖主必有不賓之士賜帛罷之

處音杵詆音底

○尤最也重敬也高節謂清高節義之士也士未仕處士也猶女未嫁曰處子也詆訾辱之也不賓謂不

可賓也處士嚴光與上嘗同游學物色得之齊國披羊

裘釣澤中徵至亦不屈上與光同卧以足加帝腹明

日太史奏客星犯御座甚急上曰朕與故人嚴子陵

共卧耳拜諫議大夫不肯受去耕釣隱富春山中終

句漢世多清節士自此始光字子陵小字狂奴富春

色以訪求之上也富春山在富陽縣西

子陵
耕釣
富春
山

高平范氏曰非光武不能遂子陵之高非子陵不能成光武之大也

胡氏曰自古人君待遇臣下其禮雖一然嚴威儼

恪常施於爪牙甲冑之士以折其驕悍難使之氣

柔巽謙屈常施於林壑退藏之士以厲其廉靖無

求之節故能駕馭人才表正風俗反是道者難乎

免於亂亡之禍矣

方大下未平上已有志文治首起太學稽式古典脩

明禮樂晚歲起明堂靈臺辟雍粲然文物可述

稽考式法

也明堂大享朝會之所靈臺占天文望稷祥之所辟雍大射行禮之所辟與璧同蓋四面水環如璧以節

起太
學明
堂

觀者故名 每旦視朝日昃乃罷數引公卿郎將講論經理

夜分乃窺皇太子乘間諫曰陛下有禹湯之明而失

黃老養性之道上曰我自樂此不為疲也數音朔間去聲又如

字樂音浴日向西曰昃經理六經之義 在位三十三年身致太平改元者二曰建武中元壽六十二太子

立是為顯宗孝明皇帝諡法照臨四方曰明

史斷曰光武膺受命之符起兵舂陵興復帝室鑿

戰昆陽人服其武司隸入洛人服其度持節渡河

人服其德此三者中興之本也故能克復宗社不

改舊物即位之後首以卓茂為太傅封褒德侯而

當世多循吏天下略定即起太學親臨視之而東

都盛儒學徵三處士而未造多節義之士其所以

祀漢配天以垂二百年之基者實在於此然以私

愛廢皇后太子聽讒言收新息侯印綬信圖讖竟

事封禪此三者不能不為盛德之累至其加恩廢

后母子親黨則又後世人主所難能也

孝明皇帝初名陽母陰氏光武微時嘗曰仕宦當作

執金吾娶妻當得陰麗華後竟得之微賤也吾叶音牙 生陽

幼穎悟光武詔州郡檢覈墾田戶口諸郡各遣人奏

事見陳留吏牘上有書視之云穎川弘農可問河南

○ 娶妻當得陰麗華

行養老禮
親祖
割牲

南陽不可問光武詰吏由抵言於街上得之光武怒
陽年十二在幄後曰吏受郡敕欲以墾田相方耳河
南帝城多近臣南陽帝鄉多近親田宅踰制不可為
準句以詰吏首服光武大奇之詰巨也反首去聲○
也贖簡也書字也不可問謂二郡田宅踰制不可得
而理問也由因也抵言猶云托辭也方比也首服謂
首其非而服中其罪郭皇后及太子疆廢陰貴人立為后陽為
皇太子改名莊至是即位貴人宮中
女官名○永平二年臨
辟雍行養老禮以李躬為三老桓榮為五更三老東
面五更南面上親祖割牲執醬而饋執爵而酌禮畢
引榮及弟子升堂諸儒執經問難冠帶搢紳之人圍

橋門而觀聽者億萬數計

醕音引難去聲圖音琛○
養老禮內則曰凡養老五

帝憲三王有乞言是也宋均曰三老老人知天地人
之事者五更老人知五行之更代首鄭玄曰老人知
三德五事者二說未知孰是祖露臂也爵鳥名象其
形以為酌器取其能飛而不溺於酒也醕酒漱口也
圖圍遶也辟雍四面皆水四
出為橋橋各有門以節觀者

胡氏曰明帝尊師重傅臨雍拜老可謂人主之高
致盛節也惜乎桓榮等授經專門章句不知聖賢
脩齊治平之微旨大義故其君德業如是而已若
使子思孟子之徒遭遇此時得行所學則二帝可
三而三王可四也必矣

三年圖畫中興功臣二十八將於南宮雲臺應二十

八宿鄧禹為首次馬成吳漢王梁買復陳俊耿弇杜茂寇恂傅俊岑彭堅鐔馮異王霸朱祐任光祭遵李忠景丹萬脩蓋延邳彤姚期劉植耿純臧宮馬武劉隆惟馬援以皇后之父不與焉應與皆去聲音尋祭音債蓋古蓋反邳音丕彤音容姚音姚○南宮在洛陽二十八宿謂角亢氐房心尾箕斗牛女危室登奎婁胃昂畢觜參井鬼柳星張翼軫也

愚按二十八將以為上應二十八宿其理有無未可知然威能抒其忠誠奮其勇智以成佐命之功亦可謂名世者矣圖形雲臺以表其元勳不亦宜乎

東平為善

十一年東平王蒼來朝蒼自上即位初為驃騎將軍五年而歸國至是入朝上問處家何以為樂蒼曰為

善最樂朝音潮騎去聲處上聲樂音洛○蒼光武之第二子也○十七年復置

西域都護戊巳校尉陳氏曰戊巳校尉官名以其無常治處如戊巳之土寄旺於四

李甲故有是名一說以其居西域之中而鎮撫諸國亦猶戊巳居中而鎮四方也亦通初耿秉請

伐匈奴謂宜如武帝通西域斷匈奴右臂上從之以

秉與竇固為都尉屯涼州斷音短○吳氏曰西域在匈奴失助如折其右手也

固使假司馬班超使西域超至鄯善其

王禮之甚備及匈奴使來頓踈懈超會吏士三十六

人曰不入虎穴不得虎子奔虜營斬其使及從士三

班超斬虜

使

十餘級鄯善一國震怖超告以威德使勿復與虜通

使假使勿之使如字懈音介從去聲○假者權攝之義蓋司馬之副也懈怠也言鄯善王敬禮班超甚備及匈奴使來欲與通和故禮超頌然疎略懈怠也

使以降於是諸國皆遣子入侍西域復通實音田○于寘西域

名至是寘固等擊車師而還以陳睟為都護及以耿

恭為戊校尉關龕為已校尉分屯西域龕音堪○十八

年北匈奴攻戊校尉耿恭擊却之初上即位之明

年南單于比死弟莫立上遣使授璽綬北匈奴寇邊

南單于擊走之漢與北匈奴交使南單于怨欲畔密

使人與交通漢置度遼將軍於五原以防之之使人

北匈奴
耿恭

置度
遼將軍

美家
箭神

如字○五原郡名屬三勝州今連谷縣已而漢伐北匈奴北匈奴亦寇邊

至是攻恭於金蒲城恭以毒藥傳矢語匈奴曰漢家

箭神中者有異虜視創皆沸大驚恭乘暴風雨擊之

殺傷甚眾匈奴震怖曰漢兵神真可畏也乃解去音傳

付語中皆去聲○金蒲城在西域傳塗也創瘡同傷也沸煮水躍貌○帝崩在位十八

年改元者一壽四十八上性褊察好以耳目隱發為

明公卿大臣數被詆毀近臣尚書以下至見提曳嘗

怒郎藥崧以杖撞之崧走人床下上怒甚疾言曰郎

出郎出崧曰天子穆穆諸侯皇皇未聞人君自起撞

郎乃赦之褊音扁好去聲數音朔崧息中反○褊狹也急也隱猶密也言好以耳聞目見密地

館陶主郎
不求許

發人陰私為明也郎官名穆上遵奉建武制度無更

變后妃家不得封侯預政館陶公主為子求郎上曰

郎官上應列宿出宰百里苟非其人民受其殃庚音

應皆去聲○預當時吏得其人民樂其業遠近畏服

戶口滋殖焉樂音洛殖音直生也太子立是為肅宗孝章皇帝

謚法温克

愚按明帝垂髻穎異能察事情及其即位首崇儒

術臨雍拜老橫經問難宗戚子弟莫不受學三代

以還教化之美未有過於斯時者也尤善刑理法

令分明日晏視朝幽枉必達在上無矜大之色內

外無倖曲之私斷獄得情號居前代十二又能遵

奉建武舊章無所更變后妃之家不得封侯預政

公主之親不許為子求郎是以官得其人民安其

業遠近肅服戶口滋殖焉然提曳近侍而君人之

度未弘窮兵遠夷而邊戎之釁徒構遣使求西蕃

之妖佛開中國萬世蠹財害政之禍殃可勝惜哉

○孝章皇帝名烜母賈氏馬皇后養之立為太子至是

即位烜兄遠反○西域攻没都護北匈奴圍已校尉

又圍耿恭詔罷都護及戊巳校尉官惟班超上疏請

兵遂欲平西域上知功可成從之没猶○北匈奴五

班超
請平
西域
北匈奴

奴來降

十八部來降時北匈奴衰耗黨眾離畔南部攻其前
丁零侵其後鮮卑擊其左西域攻其右不復自立乃
遠引而去鮮卑擊斬北單于故部眾有來降者連音

南部南匈奴部落也丁零北狄種名在康居 ○帝崩在位十三年改元者

三曰建初元和章和壽三十一上繼明帝察察之後

知人厭苛切事從寬厚文之以禮樂察察煩碎貌老子曰其政察察

是嘗議貢舉法韋彪議曰國以簡賢為務賢以孝行

為首求忠臣必於孝子之門上然之廬江毛義以行

義稱張奉候之府檄適至以義守安陽令義奉檄入

喜動顏色奉心賤之後義母卒徵辟皆不至奉乃嘆

韋彪 議國 簡賢 為務 毛義 奉檄

曰往日之喜為親屈也上下詔褒寵之

行令為皆去聲 ○廬江國

名在廬州檄薦刺也安陽縣名今宋州楚丘縣是也按漢制郡守得專除令長故府檄以義為縣令也

州郡得人如廉范在蜀都弛禁以便民民歌之曰廉

叔度來何暮不禁火民安作昔無襦今五袴作則護反 ○蜀

都即成都府叔度廉范字也通鑑成都民物豐盛邑宇通窄舊政禁民夜作以防火災范削此令但嚴使

貯水而已民以為便故歌之云云 當時皆以平徭簡賦忠恕長者為

政終上之世民賴其慶徭音遙役也長上聲 太子立是為孝和

皇帝謚法不剛不柔曰和

史斷曰孝章繼明帝察慧之後承之以寬大聽揚

終諫而罷西域之戍用陳寵言而除嚴刻之刑輕

廉范 五袴

徭薄賦與民休息勸課農桑明慎選舉進柔良而退貪猾順時令而理冤獄雅好文章褒崇儒術史稱長者不亦宜乎然過於寬柔不能濟之以剛竇憲奪公主園此外戚專恣之漸也卒不能正其罪竇后譖廢太子亦宮闈害政之端也卒不免陷其說東漢之衰基於此矣

○
竇后臨朝
憲破匈奴
孝和皇帝名肇母梁氏竇皇后子之年十歲即位竇后臨朝竇憲以外戚侍中用事有罪求出擊北匈奴以自贖后從之大破匈奴登燕然山刻石勒功而還入為大將軍父子兄弟並為卿校充滿朝廷有逆謀

宦官用權

上知之遂與宦者鄭衆定議勒兵收憲印綬迫令自殺以衆為大長秋常與議政宦官用權自此始朝平聲

燕然山在宣德府卿校公卿將校也

胡氏曰竇氏根據已生逆謀誠欲誅之未易舉手和帝年纔十四乃能選用秘臣密求故事勒兵收捕中外肅清足以繼孝昭之烈矣所可恨者三公不預大政而鄭衆有功由是宦者用權馴至亡漢可勝痛哉

先是漢兵擊北單于走死漢立其弟後叛追斬滅之鮮卑徙據北匈奴地自此漸盛○徵班超還京師超

班超燕領

虎頭

起自書生投筆有封侯萬里外之志有相者謂曰生

燕頷虎頭飛而食肉萬里侯相也

相去聲頷五感反
願下曰頷言其

頷如燕頭
如虎也

自假司馬入西域章帝時為西域將兵長

史至上以超為西域都護騎都尉平定諸國在西域

三十年以功封定遠侯至是以年老乞歸願生入玉

門關上許之

將騎皆去
聲長上聲

任尚代為都護請教超曰君

性嚴急水清無大魚宜蕩佚簡易尚私謂人曰我以

班君當有奇策今所言平平耳尚後果失邊和如超

言

楊雄傳蕩佚音
讜鐵和緩也

上在位十七年改元者二曰永元

元興太子立是為孝殤皇帝

謚法短折
不成曰殤

史斷曰孝和以幼冲之資嗣守大業年才十四而

能慨然獨斷芟除大憝使朝廷肅清宮闈寧晏遠

紹昭帝之烈何其明哉竇憲誅後又能躬總萬機

威權不失發倉廩以周不給弛苑囿以假貧民優

禮賢臣克納直諫是以內則生民歲增拓土日廣

外則北空朔庭西通重譯方之章帝或者過之惜

其誅憲之時不與大臣計事而與刑臣決謀以致

宦豎弄權卒亡漢室後之言治亂者每於斯而太

息焉自是以來漢紗屢絕大抵皆以諸侯王入繼

多是幼冲所以然者蓋由權在外戚宦官利於立

昏故也

○

臨鄧后朝

孝殤皇帝名隆生百餘日即位改元延平在位八閱

月而崩時皇太后鄧氏臨朝與鄧騭定策立嗣是為

孝安皇帝閱越同逾也 騭音質太后兄也 謚法寬容和平曰安

孝安皇帝名祐清河王慶之子章帝孫也未冠迎即

位鄧后仍臨朝鄧騭為大將軍冠去聲禮男時邊郡

多事騭欲棄涼州并力北邊郎中虞詡以為不可曰

關西出將關東出相烈士武夫多出涼州衆皆從詡

議詡音騭惡詡欲陷之會朝歌賊攻殺長吏州郡不

能禁以詡為朝歌長故舊皆弔之詡曰不遇盤根錯

鄧騭 華涼 州不 可

詡為 朝歌 平盜 賊

詡為 武都 太守

節無以別利器及到官募壯士攻劫者為上傷人偷

盜者次之收得百餘人使入賊中誘令劫掠伏兵殺

數百人又潛遣貧人能縫者傭作賊衣以綵線縫其

裾有出市里者輒禽之賊駭散縣境皆平惡去聲朝

聲別彼列反 朝歌邑名屬鞏輝 用暗也 盤屈錯雜

也言下盤屈之樹根交錯之木節非利器不能斷之也

誘引導也 以賊誘賊亦用兵之術 太后知詡有將帥

之略以為武都太守叛羗數千遮詡詡停不進宣言

請兵須到乃發羗聞之分鈔傍縣詡因兵散日夜進

道令軍士各作兩竈日增倍之鈔楚交反 武都郡

詡謂遮擁詡之道路使不得進也 須待也 鈔掠取也或曰孫臏減竈而君增之

增
示
強

兵法日行不過三十里而今日且二百里何也詔曰
虜衆多吾兵少徐行易爲所及速進則彼所不測虜
見吾竈日增謂郡兵來迎衆多行速必憚追我孫臑
見弱吾今示強勢不同也易爲皆去聲見弱之見既
到郡兵三千而羗萬餘攻圍赤亭句數十日詔命強
弩勿發潛發小弩羗謂力弱不能至并兵急攻於是
使二十強弩共射一人發無不中羗大驚詔因出城
奮擊明日悉陳其兵令從東郭門出北郭門入貿易
衣服回轉數周羗不知其數相恐動詔潛於淺水設
伏候其走路羗果大奔因掩擊大破之賊由是敗散

崩
太后

射音石中去聲貿音茂○赤亭在隴西○皇太后鄧

氏崩徙封鄧隲爲羅侯遣就國隲自殺太后崩帝始

兄弟爲卿校典禁兵而鄧氏五侯皆免爲○汝南黃

憲卒汝南郡名屬豫州今汝寧府○書法曰初汝南

太守王龔好才愛士以袁閔爲功曹引進憲及陳蕃

等蕃就吏憲不屈好去聲○郡憲父爲牛醫憲年十

四穎川荀淑遇於逆旅竦然異之曰子吾之師表也

見閔曰子國有顏子閔曰見吾叔度邪逆旅客舍也

戴良才高每見憲歸惘然若自失其母曰汝復從牛

醫兒來邪惘然失陳蕃等相謂曰時月之間不見黃

黃憲
荀淑
表之師

叔度
若千
頃陂

生鄙吝之萌復存乎心矣太原郭泰過閔不宿從憲
累日曰奉高之器譬如汎濫雖清而易挹叔度汪汪
若干頃陂澄之不清撓之不濁不可量也汎音軌濫一作盤胡

覽反易去聲○太原府名屬山西秦字林宗奉高閔字也泉則出曰汎正出曰濫詩曰有冽汎泉又曰膚沸濫泉是也挹酌也憲初舉孝廉又辟公府人勸其仕暫

到京師即還年四十八而終薛音璧憲到京師還蓋知其不可而不為者也

揚震
自殺

范曄曰黃憲言論風旨無所傳聞焉士君子見之
者靡不服深遠去疵吝故予曾祖穆侯以為憲隲
然其處順淵乎其似道若及門於孔氏其殆庶乎
策收太尉楊震印綬遣歸故郡震自殺震關西人時

人稱之曰關西孔子揚伯起教授生徒堂下得三鱸
都講以為有三公之象取以進曰先生自此升矣鱸

作鱸音善魚名似蛇黃身黑文後嘗為郡守屬邑令有懷金遺之者

曰暮夜無知者震曰天知神知我知子知何謂無知
令慚而退遺去聲○令縣令謂王密也震所舉故懷金謝之

熊氏曰君子之德明不欺天幽不欺神內不欺心
外不欺人持行於昭昭之際昧心於冥冥之中可
乎令以利來震以義責故懷慙而退也

及為三公時宦者及上乳母王聖用事皆有請託震
不從又數以近習為言共構陷之飲酖而死葬之日

名士皆來會有大鳥高丈餘至墓前俯仰流涕而去

數音朔近習親
近狎習之人

胡氏曰安帝三公無出震之右者然人臣以道事君合則留違則去震以三公之尊兩奏一乳媪而不能動宜去久矣至是極言遂取殺身之禍忠則忠矣然其燭理不明處義不精亦不足稱也

上少號聰明既即位多失德在位十九年崩改元者五曰永初元初永寧建光延光太子先為近習所譖坐廢為濟陰王閻后臨朝與閻顯迎章帝孫北鄉侯懿嗣位尋薨宦者孫程等誅顯遷閻后迎立濟陰王

閻后臨朝北鄉侯位

是為孝順皇帝少去聲
濟上聲

史斷曰孝殤始生百日而為君無足道者清河王慶孝章之長子嘗正位儲宮廢不以罪且年齡益長過失無聞使於此時迎立以主漢祀不亦善哉而鄧后終利幼弱欲久臨朝安帝年才十三俾稱尊享御然權歸外戚令出房幃帝年三十猶未及親政故自永寧以後日食地震雨水風雹之變歲不一書母后常降宦寺得政腐身熏子委寄國命手握天爵口銜天憲舉動移山海呼吸變霜露海內愁怨志士窮棲方且計金授官移民逃寇推咎

孫程 迎立 順帝 奏舉 孝廉

台衡以答定旨吾誰欺欺天乎

○孝順皇帝名保為孫程等所立宦者以功封侯者十

九人為去聲○十九人謂孫程王康王國黃龍彭愷

孟叔李建王成張賢史汎馬國王道李元揚佗

陳予趙封李剛○尚書令左雄奏令郡國舉孝廉限

魏猛苗光也年四十以上諸生通章句文吏能牋奏乃得應選其

有茂才異等若顏淵子奇不拘年齒雄公直精明審

覈真偽決志行之有舉少年至者雄詰之曰顏淵聞

一知十孝廉聞一知幾邪頃之中外坐謬舉黜免者

十餘人惟汝南陳蕃潁川李膺下邳陳球等三十餘

梁冀 為大 將軍 張綱 埋輪

袁宏曰古者四十而仕非謂仕必是年也特舉其
大限以為言耳且顏淵子奇曠代一有而欲以斯
為格不亦偏乎

以皇后父梁商為大將軍商卒以其子冀為大將軍

不疑為河南尹後漢都洛河南尹遣使者八人分行

州郡張綱獨埋其車輪於洛陽都亭曰豺狼當道安

問狐狸劾奏冀不疑無君之心十五事上知綱言直

而不能八人謂張綱杜喬周舉周栩馬義轅巴郭

遵劉班也分行謂分部行案也埋車輪謂

不行部也豺狼謂冀不疑狐狸喻州郡吏言冀不

疑專權縱恣先當糾劾何必案問州郡之貪汙乎冀欲中傷之廣陵賊張嬰寇亂揚徐間十餘年乃以

網單
車降
張嬰

蘇章
舉正
罪故人

綱為廣陵太守綱單車徑詣嬰壘門請與相見譬曉
之嬰等萬餘人降綱入壘宴散遣任所之南州晏然
在郡卒嬰等為之制服行喪中去聲○廣陵郡名屬
淮東今揚州府揚徐皆
州名揚即廣陵徐即彭城南
州南方州郡也晏然平靜貌時二千石長吏有能政
者冀州刺史蘇章有故人為清河太守章行部為設
酒甚歡守喜曰人皆有一天我獨有二天章曰今日
蘇孺文與故人飲者私恩也明日冀州刺史案事者
公法也遂舉正其姦贓之罪長上聲○清河郡名屬
河東今恩州行部巡行
所部也二天言蘇章亦
一天也孺文章字也○上在位二十年崩改元者
五曰永建陽嘉永和漢安建康太子立是為孝冲皇

帝諡法幼小
在位曰冲

史斷曰順帝享國漢業雖衰然當時可任公卿者
有李固杜喬可任將帥者有虞詡皇甫規可任刺
史者有蘇章張綱任峻吳祐若使之盡其才又使
各舉所知而彙征焉國雖衰可興也而帝惟后黨
預權闖宦用事忠良屈抑不復得志欲天下不亂
得乎

○

孝冲皇帝名炳年二歲即位三閱月而崩改元永嘉

炳音梁太后迎立渤海孝王之子是為孝質皇帝諡

丙中正無邪曰贊

史斷曰冲帝二歲踐祚梁后臨朝委政宰輔李固所言多見采納宦官黃門為惡者一皆斥遣天下方翹首太平而跋扈之冀已仄日矣

○ 梁冀跋扈

孝質皇帝名續章帝玄孫也年八歲即位少聰慧嘗因朝會目梁冀曰此跋扈將軍也冀深惡之使左右於餅中進毒遂崩在位一年有半改元本初冀迎立蠡吾侯是為孝桓皇帝少惡皆去聲朝音潮跋蒲末反扈音戶跋扈猶言強梁也史斷曰質帝生才九歲而能面斥跋扈之姦何其明智若是哉使於是時亟請太后出御前殿召宰輔大臣共明證其罪而誅之則漢室之興猶未可

量也惟其不能是以言未脫口而餅中之毒已進矣哀哉

○

李固杜喬死下獄

孝桓皇帝名志章帝曾孫也年十五即位梁冀以定策功益封又封其子弟皆侯子弟皆侯謂下封冀弟不疑為潁陽侯蒙為西平侯子胤為襄邑侯李固杜喬欲立清河王蒜至是蒜貶為侯自殺固喬下獄死蒜音筆○梁冀誣下固喬與妹賊劉鮪交通遂收下獄殺之前朗陵侯相荀淑卒書法曰卒前官何錄賢也淑潁川人少博學有高行李固李膺等皆師宗之相朗陵治稱神君少行相治皆去聲有子八人時人稱為八龍其六曰爽字慈明人言荀氏八龍慈明無雙縣令命其里曰高陽里八子謂二儉

荀氏八龍

荀陳
德星

難兄
難弟

崔寔
政論

緄靖燕汪葵肅專一也命里曰高陽者取高陽氏有才子八人之義也 葵嘗謁李膺因為

之御既還喜曰今日乃得御李君矣為去聲 同郡陳寔

與叔齊名嘗請淑長子紀字元方御車次子諶字季

方驂乘孫群字長文尚幼抱車中至淑家八龍更迭

侍左右淑孫或字文若尚幼抱置膝上太史奏德星

見五百里內有賢人聚長上聲諶時任反衆見皆去聲更音庚或音域 寔嘗

為太丘長脩德清淨吏民追思之長上聲○太丘紀邑名屬亳州

諶之子問其父優劣於其祖寔曰元方難為兄季方

難為弟才有餘曰優不足曰劣難為兄弟謂元方難為季方之兄季方難為元方之弟言二子皆

賢不可論優劣論 ○詔舉獨行之士獨行謂特立不阿 涿郡崔寔至

公車不對策退而著政論略曰聖人能與世推移俗

士苦不知變以為結繩之約可復治亂秦之緒千羽

之舞可以解平城之圍推通回反○涿郡即涿鹿今涿州是字子真公車受章奏

處也上古結繩以紀事至亂秦則端緒多而難以治之也餘舞千羽而有苗格至甸雙闕高帝於平城

而難以此 夫刑罰者治亂之藥石也德教者興平之

梁肉也以德教除殘是以梁肉治疾也以刑罰治平

是以藥石供養也夫供皆平聲養去聲 自數世以來

政多恩貸馭委其轡馬駘其銜四牡橫犇皇路險傾

方將拊勒鞅輶以救之豈暇鳴和鑿清節奏哉取御同駘

音苔犇奔同鞅巨展反輶音舟○恩貸謂寬免也馭謂御馬者委棄也轡馬韁也駘脫也銜馬口鐵也四

壯四馬皆壯也橫奔言不由道也皇路大路也掛束也勒馬鑣銜也鞅謂轄之也鞅車轄也和鑿皆鈴也扣在軾鑿在衡車行則和鳴而鑿應也節奏謂作止高下緩急之度也言此以譬為政者既失以寬則當嚴之以嚴也昔文帝雖除肉刑當斬右趾者棄市答者往往至死是文帝以嚴致平非以寬致平也趾音止仲長紗見其書曰凡為人主當寫一通置之坐側具首尾曰通

司馬公曰漢家之法已嚴矣而寔猶病其寬何哉蓋衰世之君率多柔懦凡愚之佐惟知姑息是以權幸之臣有罪不坐豪猾之民犯法不誅仁恩所施止於目前奸宄得志紀綱不立故崔寔之論以

矯一時之弊非百世之通義也孔子曰政寬則民慢慢則糾之以猛猛則民殘殘則施之以寬寬以濟猛猛以濟寬政是以和斯不易之常道也

朱穆奏劾貪汙

以朱穆為冀州刺史令長望風解印去者數十人及到奏劾貪汙有宦者歸葬父用玉匣穆案驗剖其棺出之上聞大怒徵穆詣廷尉太學生劉陶等數千人上書訟穆謂中官竊持國柄手握王爵口銜天憲穆獨亢然不顧竭忠懷憂為上深計臣願代穆罪上赦之陶又上疏乞以穆及李膺輔王室書奏不省長上音抗為去聲省悉井反憲法也言宦者執持天子封爵之權專主國家刑法之柄也省察視也○

誅梁氏宦者五人皆侯陳蕃薦處士

梁冀凶恣日積以外戚用事二十年威行内外天子

拱牛而已上與宦者單超等謀勒兵收其印綬冀自

殺梁氏無少長皆棄市超等五人皆侯自冀誅天下

想望異政黃瓊首為太尉單音善少去聲長上聲○五人謂單超徐璜具瑗左

官唐○陳蕃薦處士徐穉姜肱等以安車玄纁徵之

皆不至玄纁幣帛也穉字孺子豫章人蕃為守時特設一

榻以待穉去則縣之穉雖不應諸公之辟然聞其死

輒負笈赴弔嘗豫炙一雞以酒清饘暴乾裹之到家

隧外以水清饘白茅藉飯以雞置前祭畢留謁不見

喪主而行縣平聲應去聲笈極擘反清音恣暴音僕乾音干隧音遂藉音炙○豫章郡名屬今

姜肱共被

江西即南昌府笈書籍也冢隧墓間道也藉以白茅取其潔也留謁謂留名刺在墓前也不見喪主即記所謂知死不求生肱彭城人與二弟仲晦季江俱孝

友常共被嘗遇盜兄弟爭死盜兩釋之被衾黃瓊卒

四方名士會葬者七千人穉至進爵哀哭置生芻墓

前而去諸名士曰此必南州高士徐孺子也使陳留

茅容追之問國事不答太原郭泰曰孺子不答國事

是其愚不可及也芻草也容字季偉程子曰邦無道能沉晦以免禍故曰其愚不可及

也泰初游雒陽李膺與為友膺歸鄉里送車數千兩

膺與泰同舟而濟眾賓望之者如神仙焉兩音亮○膺與泰同

舟以其道同也眾賓望之如神仙蓋敬之至也容年四十餘耕於野遇雨避

徐穉

李郭仙舟

茅容危坐
顧

樹下衆皆夷踞容獨危坐愈恭泰見而異之遂勸令

學夷踞謂踞而坐也危坐謂以尻著蹠而坐也鉅鹿孟敏荷甌墮地不顧

而去泰見問之對曰甌已破矣視之何益泰亦勸令

學自餘因泰獎進成名者甚衆荷上聲負也獎音蔣勸也

茅容危坐獨與衆異孟敏墮甌無所顧惜是皆生

質之美如此自非先達有見之士獎勸而造就之

鮮有不湮沒者若郭泰可謂能成人之美矣

泰舉有道不就曰吾夜觀乾象晝察人事天之所廢

不可支也支持也陳留仇香名覽年四十為蒲亭長民

有陳元母告元不孝香親到其家為陳人倫元感悟

卒為孝子長上聲為陳之為去聲考城令王奐署香為

主簿謂曰陳元不罰而化之得無少鷹鷂之志邪考城

縣名屬陳留今睢州署謂簽舉也香曰以為鷹鷂不

若鸞鳳言鷹鷂之搏擊鳥雀不如鸞鳳翔而奐曰枳

棘非鸞鳳所棲百里非大賢之路乃資香入太學常

自守泰就房見之起拜床下曰君泰之師也不應徵

辟而卒枳似橘有刺棘小木叢生資謂助○自黃瓊

以來三公如揚秉劉寵皆人望寵嘗守會稽郡大治

被徵有五六老叟自山谷間出人費百錢送之曰明

府下車以來狗不夜吠民不見吏今聞當見棄去故

仇覽棲

主簿謂曰陳元不罰而化之得無少鷹鷂之志邪考城

縣名屬陳留今睢州署謂簽舉也香曰以為鷹鷂不

若鸞鳳言鷹鷂之搏擊鳥雀不如鸞鳳翔而奐曰枳

棘非鸞鳳所棲百里非大賢之路乃資香入太學常

自守泰就房見之起拜床下曰君泰之師也不應徵

辟而卒枳似橘有刺棘小木叢生資謂助○自黃瓊

以來三公如揚秉劉寵皆人望寵嘗守會稽郡大治

被徵有五六老叟自山谷間出人費百錢送之曰明

府下車以來狗不夜吠民不見吏今聞當見棄去故

劉寵

自扶奉送寵曰吾政何能及公言邪勤苦老父為人

選一大錢受之後入為司空治去聲○秉揚震子也

擇也言人各選取一秉立朝正直為河南尹時嘗以

忤宦官得罪後為太尉以卒朝音潮下同陳蕃繼秉

為太尉數言李膺以為司隸校尉宦官畏之皆鞠躬

屏氣不敢出時朝廷紀綱頽弛膺獨持風裁以聲名

自尚士有被其容接者名為登龍門云屏音丙裁○

以劉寬為尚書令寬嘗歷典三郡多仁恕吏民有過

以蒲鞭罰之三郡筌蹄云由司州內史遷東初上為

侯時受學於甘陵周福及即位擢為尚書時同郡房

李膺 接者 為登 龍門

劉寬 蒲鞭

甘陵 南北 部

宗資 主諾 成瑨 坐嘯

元禮 模楷

植有名鄉人謠曰天下規矩房伯武因師獲印周仲

進二家賓客互相譏揣成隙由是有甘陵南北部黨

人之議始此甘陵即清河郡曆縣安帝葬孝德皇后

南尹仲進福字也汝南太守宗資以范滂為功曹南

陽太守成瑨以岑晁為功曹皆襄善糾違滂尤剛勁

疾惡如讎二郡謠曰汝南太守范孟博南陽宗資主

畫諾南陽太守岑公孝弘農成瑨但坐嘯音質○孟

博滂字也主畫諾謂資但主唯諾畫計也公孝晁字

也言滂晁乃功曹而專汝南南陽太守之權宗資成

瑨但備太學諸生三萬餘人郭泰賈彪為之冠與陳

蕃李膺更相推重學中語曰天下模楷李元禮不畏

訴官

逮捕

強禦陳仲舉於是中外承風競以臧否相尚冠去聲更音庚
元禮膺字也仲舉蕃字也善曰臧不善曰否會成瑨與太原守劉瓚於赦
後案殺宦官之黨徵下獄將棄市山陽守翟超以張
儉為督郵破宦官踰制冢宅東海相黃浮亦收宦官
家屬犯法者殺之宦官訴冤皆得罪蕃屢爭之上不
聽瓚音贊○山陽郡屬淮東今淮安府宦官教人上書告李膺養太學
游士共為部黨誹訕朝廷疑亂風俗上震怒下郡國
逮捕黨人案經三府蕃卻不肯署上愈怒下膺等北
寺獄辭連杜密陳寔范滂等二百餘人使者追捕四
出蕃又極諫上策免之朝廷震慄莫敢復為黨人言

宦官
白赦
黨人
禁錮
終身

者誹音匪使復為去聲○三府三公府也署判押也北寺獄屬黃門賈彪曰吾不西
行大難不解乃入洛陽說皇后父竇武上疏解之膺
等獄辭又多引宦官子弟宦官乃懼白上赦黨人二
百餘人皆歸田里書名三府禁錮終身說難皆去聲錮音固○禁錮謂杜塞其仕進之
路一如鑄鐵以錮之也○上在位二十一年改元者七
曰建和和平元嘉永興永壽延熹永康崩竇皇后迎
立解濟亭侯是為孝靈皇帝
史斷曰桓帝政遷五侯刑淫三獄姦邪肆虐流行
四方賢愚混殺是非逆置可謂亂矣然猶綿綿不
至於絕者上則有公卿大夫陳蕃李膺楊秉劉寵

寶后朝

李固杜喬之徒面折廷爭用公義以扶其危下則有韋布之士符融郭泰范滂許劭之流立私論以揀其敗是以政治雖濁而風俗不衰惜乎黨錮諸君子生茲不辰適丁亂世乾綱解紐陰邪得路天下大勢如長江大河不可復返而諸君子欲以區區之口舌障其流而迴其瀾激其濁而揚其清豈不難哉且私相品題自立禍的而不知挾彈操弓者睥睨於左右矣天地一網罟高飛竟何益哀哉孝靈皇帝名宏章帝玄孫也年十二即位寶太后臨朝寶武為大將軍陳蕃為太傅徵天下名賢李膺杜

宦官誣殺陳蕃

密等皆列于朝天下想望太平朝音朝下同蕃武共議以

宦官操弄國柄濁亂海內奏誅曹節王甫等謀泄宦者夜召所親歃血共盟請帝御前殿作詔板拜王甫黃門令使其黨持節收武等誣以大逆先執陳蕃殺之武自殺梟首都亭遷太后於南宮操平聲梟音枹謂斬其首而懸

之以示衆也

揚氏曰曹節等竊弄神器固天下所同疾寶氏以至親操重柄招延耆德相與協謀勦除姦凶其勢易矣然而身敗功頽貽國後患者幾事不密而禍成於猶豫也豈不惜哉

三君
八俊

八顧
八及

八厨

膺等初雖廢錮士大夫皆高其道而汗穢朝廷更相

標榜為稱號更音庚○以朝廷以竇武陳蕃劉淑為

三君言一世之所宗也宗猶主也李膺荀昱杜密王暢劉

祐魏朗趙典朱寓為八俊言人英也人英人中郭泰

范滂尹勳巴肅宗慈夏馥蔡衍羊陟為八顧言能以

德行引人也行去聲張儉翟超岑暉范康劉表陳翔孔

昱擅敷為八及言能導人追宗也導引也言引度尚

張邈王孝劉儒胡母班秦周蕃嚮王章為八厨言能

以利救人也邈音莫母音無蕃音婆及陳實用事

復舉拔膺等陳竇死膺等復廢錮宦官疾惡之諷有

李膺
考死

司奏誅鈞黨膺詣詔獄考死復扶又反惡去聲○鈞

詔獄筌蹄滂就捕母與訣曰汝今得與李杜齊名死

亦何憾滂跪受教再拜而辭顧其子曰使汝為惡惡

不可為使汝為善我不為惡聞者莫不為之流涕為

之為去聲○訣別也李杜李膺黨人死者百餘人其

死徙廢錮者又六七百人郭泰私痛曰人之云亡邦

國殄瘁漢室滅矣但未知瞻烏爰止于誰之屋耳泰

雖好臧否而不為危言覈論故處濁世而禍不及焉

殄徒典反瘁音萃好去聲處上聲○殄盡瘁病人之

云亡邦國殄瘁詩瞻印篇之辭瞻烏爰止于誰之屋

詩正月篇之辭言漢必滅亡但未知將為誰人

所得如視鳥之飛不知將止於誰人之屋也

詔正五經文字諸生待制鴻都門下開

司馬溫公曰天下有道君子揚于王庭以正小人之罪而莫敢不服天下無道君子括囊不言以避小人之禍而猶或不免黨錮諸君子生昏亂之世不在其位四海橫流而欲以口舌揅之以至身被淫刑禍及朋友士類殲滅而國隨以亡不亦悲乎夫惟郭泰既明且哲以保其身卓乎其不可及也詔諸儒正五經文字命蔡邕為古文篆隸三體書之刻石立太學門外古文蒼頡所摸鳥迹文字篆史籀所著隸程邈所作○上好文學引諸生能文賦者並待制鴻都門下置立太學諸生皆斗筭小人君子恥之好去聲筭音梢○朱子曰斗量名容十分筭竹

郎賣官

器容斗二分斗筭之人言鄙細也○開西郎賣官各有價崔烈以五

黃巾賊起

白萬得司徒問其子以外議何如子曰人嫌其銅臭耳郎音底舍也嫌嗔恨也○黃巾賊張角鉅鹿人以妖術教授號太平道符水療病遣弟子遊四方轉相誑誘十餘年間徒眾四十萬置三十六方大方萬餘小方六七千

皇甫嵩與曹操合軍破賊

各立渠帥一時俱起皆著黃巾所在燔劫旬月之間大下響應燔音煩應去聲○渠帥渠魁將帥也燔謂焚人宅舍劫謂掠人財物也遣皇甫嵩等討之嵩與沛國曹操合軍破賊操父嵩為宦者曹騰養子或曰夏侯氏子也操少機警有權數任俠放蕩不治行業汝南許劭與從兄靖有高名共覈

許旦評

張角死

何后臨朝袁紹勸官

董卓廢立

論鄉黨人物每月輒更其題品故汝南俗有月旦評

操往問劭曰我何如人劭不答劫之乃曰子治世之

能臣亂世之姦雄操喜而去至是以討賊起少從論皆去聲

更音庚○機警機變警悟也權數權謀皇甫嵩破角

角死與角弟梁寶戰皆破斬之梁寶角二弟名○帝崩在位

二十二年改元者四曰建寧熹平光和中平子辯立

何太后臨朝后兄大將軍何進錄尚書事袁紹勸進

誅宦官太后未肯紹等畫策召四方猛將引兵向京

以脅太后遂召將軍董卓之兵卓未至進為宦官所

殺紹勒兵捕諸宦官無少長皆斬之凡二千餘人有

無鬚而誤死者為少皆去聲長上聲○宦卓至問亂

由辯年十四語不可了陳留王答無遺卓欲廢立紹

不可卓怒紹出奔卓遂廢辯陳留王立是為孝獻皇

帝語不可了謂無決斷一也陳留王辯弟也

史斷曰靈帝即位昏愚尤甚保養奸回過於骨肉

殲滅忠良甚於寇仇鬻獄賣官錯直舉枉灾異迭

見史不絕書積多士之憤蓄四海之怨於是何進

召戎董卓乘釁虺蜴雖除而虎狼復入室矣可悲

也乎

○孝獻皇帝名協九歲為董卓所立關東州郡起兵討

遷都長安孫堅袁術合兵

堅為劉表黃祖射死

王允密結呂布刺卓

卓推袁紹為盟主卓燒洛陽宮廟遷都長安長沙太

守富春孫堅起兵討卓至南陽眾數萬與袁術合兵

術與紹同祖皆故太尉袁安之玄孫也袁氏四世五

公富貴異於他族紹壯健有威容愛士士輻湊術亦

俠氣至是皆起堅擊敗卓兵術遣堅圖荊州為劉表

將黃祖步兵所射死為董為劉之為皆去聲射音石長沙郡名屬湖南今潭州府

是也袁安為司徒其子敞為司空敞子湯為司徒湯子逢為司空逢弟隗為司空故曰四世五公也湊輾

同聚也言士歸袁紹如輻輳也俠氣猶言任俠也○按袁紹等起兵蓋以討卓為名皆有睥睨漢鼎之意且畏名分而不取顯言耳

○司徒王允等密謀誅卓中郎將呂

布膂力過人卓信愛之嘗小失卓意卓手戟擲布布

避得免允結布為內應卓入朝允伏勇士於北掖門

刺之卓墮車大呼呂布布曰有詔討賊臣應聲持矛

刺卓趣斬之將應呼皆去聲膂音旅朝音潮下並同趣促同○警脊骨也脊壯則有力北掖

門正門旁之小門也矛無技兵也先是卓築塢于郿積穀為三十年

儲金銀錦綺奇玩積如丘山自云事成據天下不成

守此以老郿邑名屬扶風今鳳翔府至是暴屍於市卓素肥吏為

大炷置臍中然之光達曙者數日炷燭心也然燒曙曉也卓黨

舉兵犯關殺王允呂布走卓黨李傕郭汜犯關謂千犯天子門闕也○漢

宗室劉備與河東關羽涿郡張飛相善備起二人從

之河東郡名屬山西今河中府○孫堅之子策與弟權留富春遷

卓黨殺允

劉備起關張從

孫策
渡江
民乃
大悅

曹操
遷上
於許

劉備
歸操

曹操
縊殺
呂布
袁術
稱帝
死

于舒堅死策年十七往見袁術得其父餘兵策十餘

歲時已交結知名舒人周瑜與策同年亦英達夙成

至是從策起策東渡江轉鬪所向無敵當其鋒者百

姓聞孫郎至皆失魂魄所至一無所犯民皆大悅舒州

名屬淮西今安慶府○行氣為魂○初曹操自討卓

時戰于滎陽還屯河內尋領東郡太守治東武陽已

而入兗州據之自領刺史遣使上書以為兗州牧上

還洛陽操入朝遷上於許使去聲○河內即汲郡今

陽東郡屬邑也兗州九州之一今曹操擊呂布殺之

初布自關中出奔袁術又歸袁紹已而又去為操所

攻走歸劉備據下邳備走歸操操遣備屯沛布使陳

登見操求為徐州牧不得登還謂布曰登見曹公言

養將軍如養虎當飽其肉不飽則噬人公曰不然譬

如養鷹飢則附人飽則颺去布復攻備備走復歸操

操擊布至下邳布屢戰皆敗困迫降操縛之曰縛虎

不得不急卒縊殺之備從操還許為去聲啞音迤颺

○袁術初據南陽已而據壽春以讖言代漢者當塗

高自云名字應之遂稱帝淫侈甚既而資實空虛不

能自立欲奔袁紹操遣劉備邀之術走還歐血死去應

代漢○荃蹄曰當塗而高象魏闕也言魏當

代漢而術以已字公路即當塗高之義也○孫策既

孫策
卒第
權代

操奉
天子
令下

定江東欲襲許未發故所殺吳郡守許貢之奴因其
出獵伏而射之創甚呼弟權代領其眾曰舉江東之
眾決機於兩陣之間與天下爭衡卿不如我任賢使
能各盡其心以保江東我不如卿卒年二十六射音石創

瘡同呼去聲○吳郡屬江浙今平江府吳氏曰車轆曰衡九車並行則轆抗而爭故以喻人之並高也

○袁紹據冀州簡精兵十萬騎一萬欲攻許沮授諫
曰曹操奉天子以今天下今舉兵南向於義則違竊

為公懼之紹不聽操與紹相拒於官渡襲破紹輜重

紹軍大潰慚憤歐血死沮音疽騎為皆去聲○沮授

縣東南○通鑑袁術為人寬雅有句度喜怒不形於色然性矜慎自高短於從善故至於敗○車

騎將軍董承受密詔與劉備誅曹操會操遣備邀表

術因之徐州起兵討操不克走歸劉表操擊表表卒

子琮舉荊州降操騎去聲琮祖紅反○董承獻帝母

備奔江陵操追之備走夏口操進軍江陵遂東下江陵

府名屬湖北夏口地名在江夏縣西諸葛亮謂備曰請求救於孫將軍

亮見權說之權大悅說音統操遣權書曰今治水軍八

十萬眾與將軍會獵於吳權以示羣下莫不失色張

昭請迎之魯肅以為不可勸權召周瑜遺去聲瑜至曰

請得數萬精兵進往夏口保為將軍破之權拔刀斫

前奏案曰諸將吏敢言迎操者與此案同為去聲遂以

瑜督三萬人與備并力逆操進遇於赤壁

迎敵曰逆赤壁山名

在武昌府蒲圻縣西北

瑜部將黃蓋曰操軍方進船艦首尾相接可燒而走也

蓋古大反

乃取蒙衝闊艦十艘載燥荻枯柴灌油其中裹帷幔上建旌旗豫備走舸繫於其尾

艘音撥舸加我反○集覽曰蒙衝與蒙艦通戰船也艘船總名也楚謂大船為舸先以書遺

操詐欲降時東南風急蓋以十艘最著前中江舉帆

餘船以次俱進操軍皆指言蓋降去二里餘同時發

火火烈風猛船往如箭燒盡北船煙焰漲天人馬溺

燒死者甚眾備等率輕銳雷鼓大震北軍大敗操走

還遺去聲雷音來後屢加兵於權不得志歎曰生子當如孫

仲謀向者劉景升兒子豚犬耳景升劉表字也表子舉荆州降故操以為

豚犬也備徇荆州江南諸郡降之瑜上疏於權曰備有

梟雄之姿而有關羽張飛熊虎之將聚此三人在疆

場恐蛟龍得雲雨終非池中物也宜徙備置其權不

從瑜方議圖北方會病卒魯肅代領其眾肅勸權以

荆州借備權從之場音亦權將呂蒙初不學權勸蒙讀

書魯肅後與蒙議論大驚曰卿非復吳下阿蒙蒙曰

士別三日即當刮目相待阿發語辭言呂蒙學有進益非復前日吳下之阿蒙也刮

猶拭也○初曹操自兖州牧入為丞相領冀州牧封魏

公作銅雀臺於鄴已而進爵為王用天子車服出入

警蹕以子丕爲王太子操卒丕立自爲丞相冀州牧
竟篡位廢帝爲山陽公追尊操爲太祖武皇帝改元
黃初帝在位改元者三曰初平興平建安元年至二
十五年則皆曹操爲政時也共三十一年漢中王立
於蜀是爲昭烈皇帝

史斷曰前漢之將亡也天下猶乂安四夷猶賓服
其所以亂者特在朝廷耳故雖鼎祚內移而民有
謳吟之思後漢之將亡也盜賊滿天下流毒衍四
海天命人心百無一存蓋通天地之間而閉塞者
也正使有聖哲之君尙恐馳驚不足而况昏庸之

主哉

愚按尹氏之言曰漢自桓靈不君董卓扇禍卓旣
伏誅而曹操乘時作亂脅制天子害弑國母酖殺
皇子義士莫不爲之歎憤苟有一夫倡義於天下
皆君子之所深予況於堂堂帝室之胄英名蓋世
者乎丕旣篡位漢祀無主昭烈正位蜀漢紹承大
統名正言順無可疑者自陳壽志三國反帝曹操
而以列國待蜀故通鑑因之以魏紀年冠履倒置
良可悲傷至朱子綱目始以昭烈承獻帝之後紹
漢正統取春秋之義以示天下後世之正論也此

書舊本亦以魏為提頭而附漢吳於其間今因京兆劉氏所定而悉遵朱子義例正之如左云

今古歷代標題註釋十九史略通考卷三之上

古今歷代標題註釋十九史略通考卷三之下

前進士廬陵曾先之編次

松塢門人番陽竹篙余進宗海通考

蜀漢

昭烈皇帝名備字玄德中山靖王勝之後也景帝生

勝勝生貞徙封涿郡陸城亭侯子孫因家焉數世至

雄雄生弘弘生備垂手下膝顧自見其耳有大志少

言語喜怒不形於色膝音悉初平中群盜並起備於是

起兵於涿以圖興復尋受密詔討曹操不克先奔冀

州領兵至汝南自汝南奔荆州歸劉表初平獻帝年號嘗於

群盜並起

至厠
流涕

表坐起至厠還慨然流涕表怪問之備曰常時身不
離鞍髀肉皆消今不復騎髀裏肉生日月如流老將
至矣功業不建是以悲耳離騎皆去聲髀音彼股骨也建立也琅邪諸
葛亮寓居襄陽隆中每自比管仲樂毅琅邪國名今益州路沂州是也襄陽府名屬河南即許陽郡隆中地名管仲樂毅事見戰國齊燕紀備訪士於司馬
徽徽曰識時務在俊傑此間自有伏龍鳳雛諸葛孔
明龐士元也徽音暉襄陽人伏龍喻士元也徐庶亦謂備曰
諸葛孔明卧龍也卧龍伏也備三往乃得見亮問策亮曰
曹操擁百萬之衆挾天子以令諸侯此誠不可與爭
鋒孫權據有江東國險而民附可與爲援而不可圖

孔明
卧龍

情與
亮情
好

院援音荆州用武之國益州險塞沃野千里天府之土
益州即成都府沃肥也財物所聚曰天府言益州之地物產饒多可備給餉故曰天府言如天所造也將
軍帝室之胄信義著於四海若跨有荆益保其巖阻
天下有變荆州之軍向宛洛益州之衆出秦川孰不
箠食壺漿以迎將軍乎宛音宛箠音丹食音似○天
明猶魚之有水也宛縣洛即洛陽備曰善與亮情好日密曰孤之有孔
公素有重名亮每至其家獨拜床下從去聲姪
胡氏曰三國人才之盛後世鮮及然孔明則高邁
獨出巍然三代之佐矣亞於伊傅而以管樂自比

孫權
連兵
破操

者謙辭也才與管仲等而德則過之

及表卒子琮降操備奔江陵操追之備遣亮與孫權

通好連兵大破操兵於赤壁好去聲備徇荊州江南諸

郡士民多歸之權以荊州借備以容其眾備初用龐

統為來陽令不治權將魯肅遣備書曰士元非百里

才使為治中別駕乃得展其驥足耳備用之勸取益

州來陽縣名屬衡州備留關羽守荊州引兵泝流自巴入蜀

襲劉璋入成都沂音訴備既得益州權使人從備求

荊州備不從遂爭之已而分荊州荊州用武之國故漢吳爭之然劉備

實失信於孫氏襲殺關羽讐始於此備自蜀取漢中自立為漢中王漢

關羽
守并

權陷
荊州

中將關羽自江陵出攻樊城取襄陽自許以南往往

遙應羽威震華夏應去聲○樊城縣名屬襄陽華夏操

至議徙許都以避其鋒司馬懿曰備權外親內疎關

羽得志權必不願也可遣人勸權躡其後許割江南

以封權操從之時魯肅已死呂蒙代之亦勸權圖羽

操師救樊城權將陸遜又襲羽後羽狼狽走還權軍

獲羽斬之遂陷荊州魏人巧於乘間以利誘吳人

不悟遂中其計惜哉操子丕既篡位王乃即皇帝位於武擔之

南大赦以諸葛亮為丞相武擔山名在○章武元年

立宗廟祫祭高皇帝以下祫胡夾反合祭也○書法

諸葛
亮為
相

吳封為王論吳王與生異書

高光也魏篡立吳割據昭烈親中山靖王之裔名正言順舍此安歸綱目揭章武之元而大書之然後正閏頃逆各得其所故曰帝自將伐孫權權請和不

許遂遣陸遜督諸將拒守帝耻關羽之敗故伐吳也書法曰自初平以來諸

相加以兵若書攻擊而已此其書伐何罪吳且尊漢也○孫權遣使魏魏封權為

吳王使去聲下同○魏主問吳使趙咨曰吳王頗知學乎

咨曰吳王任賢使能志存經略雖有餘閑博覽書史

不效書生尋章摘句魏主曰吳難魏乎咨曰帶甲百

萬江漢為池何難之有曰吳如大夫者幾人咨曰聰

明特達者八九十人如臣之比車載斗量不可勝數

難去聲勝音升數上聲○經畧經濟謀略也難猶畏也○二年帝進軍猗亭吳

陸遜攻之諸軍敗績帝還永安猗亭在夷陵永安縣名屬巴郡

按昭烈自巫峽至夷陵立數十屯與吳軍相拒累月陸遜連破其四十餘營故曰諸軍敗績○魏

遣將軍曹休等擊孫權責吳侍子不○吳王權改元

拒魏魏主丕自將擊之書法曰權嘗書降魏矣此其不書叛而書拒何惡魏也故

雖書魏封權為吳王而常斥各孫權不予其受魏封也於是拒魏然後書吳王而國自是得稱吳綱目之

惡魏深矣其書改元何所以○帝崩于永安上在位

三年改元者一壽六十三太子立是為後皇帝後主降魏

未有諡故曰後皇帝

愚按昭烈以帝室之胄傑出之才起兵涿郡志存匡復受天子之密詔討擅命之姦臣旁求羣賢不

辭三顧伏龍以之而奮躍鳳雛以之而飛翔雖顛沛險難而信義愈明勢迫事危而言不失道追景升之顧則情動三軍戀赴義之士則甘與同敗故能合吳軍而大破曹瞞於赤壁仗義兵而薄伐劉璋於成都用趙雲而取漢中遣關羽而攻樊許威震華夏幾復舊都惜乎因爭荊州而孫權離心致吳違盟而關羽喪首卒不能削乎僭偽混一中原可勝歎哉然能君臨蜀都使赤帝子之祀不至墜絕又數十年與光武卽位鄯南晉元卽位江左先後一轍謂非中興賢君可乎

亮為鄉武侯

吳與漢和

後皇帝名禪字公嗣年十七卽位以丞相諸葛亮為武鄉侯領益州牧初昭烈臨崩謂亮曰君才十倍曹丕必能安國家終定大事嗣子可輔輔之如其不可君可自取亮滄泣曰臣敢不竭股肱之力效忠貞之節繼之以死至是亮乃約官職脩法制下教曰夫參署者集衆思廣忠益也若遠小嫌難相違覆曠闕損矣夫音扶遠難皆去聲○陳氏曰參署參佐署事也遠猶避也難疑也覆反也言參佐之職若避小可嫌疑而相違戾則反曠廢職業闕損政教矣亮乃遣鄧芝使吳脩好芝見孫權曰蜀有重險之固吳有三江之阻共為唇齒進可兼并天下退可鼎足而立吳遂絕魏專與漢和好

漢諸葛亮

天限南北

皆去聲重平聲○三江謂婁江東江松江也唇齒言交相依倚而不可闕一也○建興二年

魏主以舟師擊吳吳列艦于江江水盛長魏主臨望

歎曰我雖有武夫千群無所施也於是還師長上聲還音旋

○三年南夷畔丞相亮討平之有孟獲者素為夷漢

所服亮生致獲使觀營陣縱使更戰七縱七擒猶遣

獲獲不去曰公天威也南人不復反矣縱放也○魏主

又以舟師臨吳見波濤洶湧歎曰嗟乎固天所以限

南北也洶許拱反湧音勇水盛貌○四年魏主丕卒諡曰文皇帝

子叡立先是叡母被誅丕嘗與叡出獵見子母鹿既

射其母使叡射其子叡泣曰陛下已殺其母臣不忍

漢臣諸葛上疏

殺其子丕惻然至是嗣位○處士管寧字幼安自獻

帝初避地遼東三十七年魏徵之乃浮海西歸拜官

不受處上聲○五年丞相亮率諸軍伐魏臨發上疏曰

今天下三分益州疲弊此危急存亡之秋也宜開張

聖聽不宜塞忠諫之路塞音色○天下三分謂漢魏吳各君一國也宮中

府中俱為一體陟罰臧否不宜異同若有作奸犯科

及為忠善者宜付有司論其刑賞以昭平明之治官中

親小人遠賢臣此後漢所以傾頽也遠去聲臣本布衣

躬耕南陽苟全性命於亂世不求聞達於諸侯先帝

三顧草廬

深入不毛

關中響震

不以臣卑鄙猥自枉屈三顧臣於草廬之中諮臣以當世之事由是感激許先帝以驅馳稷烏賄反諮音咨訪問也先帝知臣謹慎臨崩寄以大事受命以來夙夜憂懼恐付託不效以傷先帝之明故五月渡瀘深入不毛今南方已定兵甲已足當獎率三軍北定中原興復漢室還于舊都此臣所以報先帝而忠陛下之職分也

遂屯漢中瀘音盧分去聲○陳氏曰瀘水出平都東流入江不生草木之地舊都謂長安

洛陽明年率大軍攻祁山戎陣整齊號令明肅祁山在始魏以昭烈既崩數歲寂然無聞略無所備猝聞亮出朝野恐懼於是天水安定等郡皆應亮關中響震

孫權自稱帝

猝倉沒反朝音潮應去聲○猝急遽也天水郡即秦州安定郡今涇州

魏主如長安遣張郃拒之亮使馬謖督諸軍戰于街亭謖違亮節度郃大破之亮乃還漢中郃胡閣反謖音速○街亭在秦州隴西縣節度節制法度也

已而復言於上曰漢賊不兩立王業不偏安臣鞠躬盡瘁死而後已至於成敗利鈍非臣所能逆覩也賊指魏

引兵出散關圍陳倉不克散關在鳳州梁泉縣陳倉邑名屬扶風

○七年吳王孫權稱皇帝於武昌追尊父堅為武烈皇帝兄策為長沙桓王已而還都建業武昌府名屬湖廣建業郡

名屬江東今應天府

○十二年丞相武鄉侯諸葛亮伐魏卒于軍長史楊儀引軍還長上聲○書法曰書卒于軍何嘉死事也故具官爵姓亮方為

足食計而卒于軍此軍國之可深痛而綱目之所甚惜也書揚儀引軍還何嘉儀也新喪无帥全師而歸儀可謂能權矣

先是亮伐魏圍祁山魏遣司馬懿督諸軍拒

亮懿不肯戰賈詡等曰公畏蜀如虎奈天下笑何懿

乃使張郃向亮亮逆戰魏兵大敗亮以糧盡退軍郃

追之與亮戰中伏弩而死中亮還勸農講武作木

牛流馬治邸閣息民休士三年而後用之木牛流馬蓋貯米其

中而機巧可行以運糧其制度尺寸詳見集覽邸閣倉敖之異名至是悉眾十萬又

由斜谷口伐魏進軍渭南懿引兵拒守斜于避反○斜谷在興元

不繼使已志不伸乃分兵屯田耕者雜於渭濱居民

漢亮作木流馬

分兵屯田

遺以巾幘

之間而百姓安堵軍無私焉堵牆也言民安如堵也亮數挑懿

戰懿不出乃遺以巾幘婦人之服數音朔遺去聲幘音國婦人服飾也

亮使者至懿軍懿問其寢食及事煩簡而不及戎事

使者曰諸葛公夙興夜寐罰二十以上皆親覽所噉

食不至數升懿告人曰食少事煩其能久乎噉吐覽反○罰

罪責也言亮罰杖罪二十以上皆親問也

亮病篤有大星赤而芒隆亮營

中未幾亮卒芒光也楊儀整軍還百姓奔告懿懿追之

姜維令儀反旗鳴鼓若將向懿懿不敢逼百姓為之

諺曰死諸葛走生仲達懿笑曰吾能料生不能料死

死諸葛亮走生仲達

為去聲○仲亮嘗推演兵法作八陳圖至是懿按行

達懿字也

亮政無私

其管壘歎曰天下奇才也

筌蹄曰八陳圖取石為之
以天地風雲為四正龍虎

鳥蛇為四奇
詳見集覽

亮為政無私馬謖素為亮所知及敗軍

流涕斬之而卹其後李平廖立皆為亮所廢及聞亮

之喪皆歎息流涕平至發病死

為去聲
廖音料

習鑿齒曰昔管仲奪伯氏駢邑三百沒齒無怨言

聖人以為難亮使廖立垂泣李平致死豈徒無怨

言而已哉夫水至平而邪者取法鑒至明而醜者

亡怨以其無私也况大人君子懷樂生之心流矜

恕之德法行於不可不用刑加乎自犯之罪爵之

而非私誅之而不怨天下其有不服者乎

初亮嘗表於上曰臣成都有桑八百株薄田十五頃

子孫衣食自有餘饒不別治生以長尺寸臣死之日

不使廩有餘粟庫有餘財以負陛下及卒果如其言

謚忠武

長上聲○謚法徇國忘
家曰忠剛強直理曰武

張裔曰亮賞不遺遠罰不阿近爵不可以無功取

刑不可以貴勢免此賢愚所以僉忘其身者也

陳壽曰亮為相國撫百姓示儀軌約官職從權制

開誠心布公道盡忠益時者雖仇必賞犯法怠慢

者雖親必罰服罪輸情者雖重必釋游辭巧飾者

雖輕必戮善無微而不賞惡無纖而不貶庶事精

魏主世功
銅人號
翁仲曰

魏司馬懿
曹爽
輔政

練物理其本循名責實虛偽不齒終於邦域之內
畏而愛之刑政雖峻而無怨者以其用心平而勸
戒明也可謂識治之良材管蕭之亞匹矣

魏主性好土功先是既治許昌宮後又作洛陽宮徙
長安鐘簾橐駝銅人承露盤於洛陽盤折聲聞數十
里銅人重不可致乃大發銅鑄銅人二列於司馬門
外號曰翁仲起土山於芳林園植雜木善草捕禽獸
致其中諫者皆不納好去聲簾音巨許昌邑名屬許州今長社縣簾鍾跗也橐駝

獸名羊首牛身○延熙二年魏主叡卒諡曰明皇帝子芳立
甫八歲司馬懿曹爽受遺詔輔政懿為太傅芳文帝兄任城

漢將琬不
治揚敏

魏司馬懿
沒曹爽

司馬
師錄

王之子明帝養以為子也曹爽字昭伯魏宗室也○九年以姜維為衛將軍

與費禕並錄尚書事初丞相亮既亡蔣琬為政楊敏
毀琬曰作事憤憤不及前人或請推治敏琬曰吾實
不如前人無可推治琬卒費禕董允並為政公亮盡

忠至是允又卒維禕並為政費音吠禕音揮憤古對反煩亂也前人指諸葛

亮也推音吹○十二年魏曹爽驕奢無度司馬懿殺之懿

為丞相加九錫不受爽之黨夏侯霸奔蜀姜維問之
曰懿得政復有征伐志否霸曰彼營立家門未遑外

事有鍾士季者雖少若管朝政吳蜀之憂也復扶又反少去音潮

○十四年魏太傅司馬懿卒以其子師為撫軍

尚書 吳王 亮立

司馬 師廢

母丘 儉起 兵討 師

吳主 親政

孫綝 廢立

魏主 誅司 馬昭 不克

大將軍錄尚書事○十五年吳主權卒諡曰大皇帝

子亮立○蜀費禕汎愛不疑降人刺殺之姜維用事

數出兵伐魏汎音泛廣也○十七年魏李豐數為魏

主所召司馬師知其議已殺之魏主不平左右勸誅

師魏主不敢發師廢魏主為邵陵厲公迎立文帝孫

高貴鄉公髦年十四髦音毛揚州都督母丘儉刺史文

欽起兵討師不克死無母音師卒弟昭為大將軍錄尚

書事已而為大都督假黃鉞揚州都督諸葛誕起兵

討昭不克死昭為相國封晉公加九錫不受鉞大斧也飾以

金故曰黃鉞大都督本無黃鉞假與之所以重其威也鉞音越○景耀元年吳孫綝

以罪誅綝音琛初吳主亮親政數出中書視大帝時舊

事嘗食生梅索蜜蜜中有鼠矢召藏吏問曰黃門從

爾求蜜邪吏曰向未不敢與黃門不服令破矢矢中

燥因大笑曰若矢先在蜜中中外俱濕今外濕內燥

必黃門所為也詰之果服左右驚慄索音色求也矢屎同藏去聲守

藏庫吏也綝為大將軍以其多所難問稱疾不朝以

兵圍宮廢亮為會稽王迎立琅邪王休休立以綝為

丞相綝又無禮於新君遂被誅難去聲會音○三年

魏主髦見威權日去不勝其忿曰司馬昭之心路人

所知也率殿中宿衛蒼頭官僮鼓譟出欲誅昭昭之

昭遣
鄧艾
入鍾會
寇

黨賈充入與魏主戰成濟抽戈刺魏主殞于車下追

廢為庶人昭迎立常道鄉公璜璜立改名奐時年十

五勝音升璜音黃○宿衛○炎興元年蜀姜維屢伐

魏司馬昭乃遣鄧艾鍾會將兵入寇會從斜谷駱谷

子午谷趨漢中艾自狄道趨甘松沓中以綴姜維艾

蓋反沓達合反○駱谷在洋州真符縣南口曰黨谷

北口曰洛谷子午谷在洋州東百六十里南北相當

故曰子午狄道縣名屬臨洮甘松沓維聞會已入漢

中引兵從沓中還艾追躡之大戰維敗走還守劔閣

以拒會劔閣在廣元艾進至陰平行無入之地七百

里鑿山通道造作橋閣山高谷深艾以氈自裹推轉

而下將士皆攀木緣崖魚貫而進推平聲○陰平郡

相牽引而進至江油以書誘衛將軍諸葛瞻瞻斬其

使列陣綿竹戰敗死之其子尚亦赴敵而死使去聲

江油郡名屬順元今龍州是也

綿竹縣名屬漢州瞻孔明子也

愚按天意不回漢祚傾覆當是之時降賊貪生如

姜維者非一人而諸葛瞻父子獨能冒犯鋒刃視

死如歸雖其資質有過人者而亦家法之有自也

忠武公可謂有子有孫矣嗚呼瞻尚雖死其忠烈

之風至今凜凜猶有生氣彼為臣不死忠而偷生

一時者視瞻尚寧無愧乎

艾至
成都
漢帝
出降

漢人不意魏兵卒至不為城守乃遣使奉璽綬詣艾
降皇子北地王諶諫曰若理窮力屈禍敗將及亦當
君臣父子背城一戰同死社稷以見先帝可也奈何
降乎上不聽諶哭於昭烈之廟先殺妻子而後自殺
艾至成都上出降魏封為安樂公上在位四十一年
改元者四曰建興延熙景耀炎興卒倉沒反
樂音洛
史斷曰後主才雖中下然建興之初猶能委任賢
相抗衡強國今年征四郡明年屯漢中明年出散
關又明年攻武都陰平是以國富兵強征伐四克
迨殞星告變賢相云亡於是姜維產禍宦寺專權

雖無緣崖之寇其能久有國哉綿竹之戰臣死於
君成都之降子死於父勢窮力蹙束手就縛而漢
亡矣可悲也夫

漢自高祖元年為王五年為帝至是凡二十六世四
百六十九年而亡王莽十五年劉
玄二年在內

史斷曰西漢自高祖而下有文有武有宣東漢自
光武而下有明章其餘無稱焉河汾王通以七制
斷之善矣反覆兩漢之世大抵仁義公恕役簡刑
清如七制之盛者兩漢之所以興也母后擅權戚
宦用事如七制以下者兩漢之所以亡也迨曹氏

篡漢而為魏昭烈以帝裔即位于蜀孫權亦自王於吳而天下遂分於三矣雖以昭烈孔明戮力興復而死灰難燃不能復振譬於人家家道陵夷生業已盡豪奴悍僕或潛據於內或竊處於外而其家之故子遺孫伶仃漂泊其氣奄奄殆盡而方區區在外收拾寸土以為興復計亦已難矣由是論之民心思漢以王郎假之而有餘民心去漢以孔明留之而不可吁可嘆哉

吳主休歿諡曰景皇帝兄子烏程侯皓立

吳魏君亡皆書卒此

其書休歿何漢亡也

○魏司馬昭先是已受九錫已而進爵為

晉王昭卒子炎嗣尋篡位廢魏主為陳留王魏自曹

丕僭號至是凡五世四十六年而亡

魏主後卒晉人謚之曰元

愚按有魏之興實自操始曹丕因而篡漢如拾芥然明帝性雖明敏而好土功其衰微之兆已見矣邵陵孤幼寄托非人陵遲至陳留而晉人取之亦不難何歟曹操以亂世之奸雄乘漢室之衰弱欺人孤兒寡婦狐媚以取天下原情定罪直巨盜耳以此創業亦以此亡豈無天道哉傳曰出乎爾者反乎爾者為人臣而懷姦幸讐竊人宗社者尚鑒于茲

西晉

○

晉世祖武皇帝姓司馬名炎河內人昭之子懿之孫

髮立委地

也昭為晉王議立世子議者以炎髮立委地手垂過

過膝

膝非人臣之相遂立已而嗣為王受魏禪追尊懿為

大封宗室

宣皇帝師為景皇帝昭為文皇帝大封宗室相去聲後並同

使抗

晉有滅吳之志以羊祜都督荊州事吳以陸抗都督

常通

諸軍祜與抗對境使命常通抗遺祜酒祜飲之不疑

抗疾祜與之成藥抗即服之曰豈有醜人羊叔子哉

祜務脩德政以懷吳人每交兵刻日方戰不掩襲抗

亦告其邊戍各守分界而已母求細利使遺分皆去聲醜鳩同○

吳主不脩德政

成藥合成藥劑也叔子祜字也母者禁止之辭時吳主皓不脩德政而欲兼

并使術士筮取天下對曰庚子歲青蓋當入洛陽蓋

謂銜璧之事而皓不悟用諸將謀數侵盜晉邊抗諫

羊祜請伐吳

不聽數音朔○璧者贄見之禮也降者必縛手於後不能執故銜之抗卒祜請伐吳

議者多不同祜歎曰天下不如意事十常七八惟杜

預張華贊其計贊助也祜病求入朝面陳帝欲使祜卧

護諸將祜曰取吳不必臣行但平吳之後當勞聖慮

耳朝平聲將去聲祜卒以杜預為鎮南大將軍督荊州軍事

杜預表請征吳

吳主皓滔虐日甚預表請速征之表至張華適與帝

碁即推枰斂手贊其決帝許之推吐回反○枰碁局也決斷也山濤

賢林號
七竹

山公
啓事

晉舉
伐吳

告人曰自非聖人外寧必有內憂釋吳為外懼豈非

筭乎筭計也言庸君外既平寧內必生患莫若存吳以為外懼而為計之也

時濤為吏部尚書濤昔在魏晉之間與嵇康

阮籍籍兄子咸向秀王戎劉伶相友號竹林七賢皆

崇尚老莊虛無之學輕蔑禮法縱酒昏酣遺落世事

士大夫皆慕效之謂之放達惟濤仍留意世事至是

典選甄拔人物各為題目而奏之時人稱之為山公

啓事向音餉蔑音滅甄音堅又音珍○老莊老子莊周也典主也吏部主銓選也甄分別也拔舉也

啓事啓奏○晉大舉伐吳杜預出江陵王濬下巴蜀

吳人於江積要害處並以鐵鎖橫江截之又作鐵錐

長丈餘暗置江中逆拒舟艦積水渚有石處錐音追積音赤濬作大

筏令善水者以筏先行遇錐輒著筏而去又作大炬

灌以麻油遇鎖燒之須臾融液斷絕於是船無所礙

遂先克上流諸郡筏音伐著直畧反礙五漚反○筏以竹木為之火把曰炬束葦為之

預遣人率奇兵夜渡吳將懼曰北來諸軍乃飛渡江

也預分兵與濬合攻武昌降之預謂兵威已振譬如

破竹數節之後迎刃而解無復著手處也遂指授群

帥方略徑造建業張悌率眾迎戰大敗遂為晉兵所

殺造為皆去聲濬戎卒八萬方舟百里舉帆直指建業鼓

噪入石頭城吳主面縛輿擗降封歸命侯遂符庚子

此軍
飛渡
江威
如破

吳帝
面縛
輿擗
降

青蓋入洛之讖

觀初近反○方桴舟船也面縛謂縛手於後惟見其面也棚棺也以車載

棺示死

吳自大帝至是四世稱帝者凡五十九年而

亡翊孫策定江東以來通八十餘年

逆音素逆數也

史斷曰吳自孫堅始舉兵於江東破張角誅區星勇鷲剛果當時鮮及觀其導溫戮卓不許和親汎掃陵寢平塞發掘可謂壯矣其後為善不終受表術所使以擊劉表卒斃於矢下不死於勤王而死於助祭惜哉孫策以童子一旅之衆揮馬箠以下江東耆儒宿將狼狽失據開地千里真奇才也然輕躁好殺卒殞其身孫權席父兄之烈師友忠賢

以成前志赤壁之役決志定策以摧大敵非明而有勇能若是乎奄有荆揚薄於南海傳祚累世宜矣惜乎見義不明守節不謹今年臣于操明年降于魏今年受操之命領荊州明年受魏之封為吳王不能討賊而甘心助賊不能仗義而甘心不義其得保一隅幸也孫亮以童孺之資乏賢哲之輔輕淺果銳為謀太踈其僭位不終理所必然休以宿愛舊恩任用興布不能拔進賢才改絃易轍雖尚辭好學何拯亂亡孫皓天性凶頑肆行殘虐忠諫者誅讒諛者進公卿大臣頸血相濺虐用其民

窮奢溢侈欲求不亡得乎迹吳之為國自據一方
既無存漢之心又無吞魏之謀上不係於漢祚之
存亡下無關於曹魏之強弱尚奚論焉君子謂曹
氏為漢賊不知孫氏真漢賊耳先主孔明正做得
好時又為其壞了嗚呼其知言乎

晉代魏十有六年至太康元年而滅吳又十年帝崩

帝初即位嘗焚雉頭裘於太極殿前以示儉雉頭裘蓋以雉

頭毛為之既而侈縱後宮數千常乘羊車宮人插竹葉于

門灑塩以待之羊車所至即紹酣宴插竹灑塩欲以引羊入其宮也

與羣臣語未嘗有經國遠謀自吳既平謂天下無事

焚雉頭裘
插竹灑塩

盡去州郡武備

盡去州郡武備山濤獨憂之去上聲漢魏以來羌胡鮮

卑降者多處塞內諸郡郭欽嘗上疏謂宜及平吳之

威漸徙內郡雜胡於邊地峻四夷出入之防明先王

荒服之制帝不聽卒為天下患降音抗處上聲帝在位

改元者三曰泰始咸寧太康太子立是為孝惠皇帝

史斷曰司馬氏經營大業把握政權已逾數世至

武帝得國又能平吳以一天下曾不數年紀綱板

蕩宗廟丘墟其故何哉蓋自古有天下之君未有

無功德於民而能享國長久者司馬懿以陰賊狡

險禍人之國而昭師又以廢弒不道取人之國武

帝承平又無遠略荒耽酒色保養奸回風俗尚浮
虛士夫賤名檢廉耻道喪賄賂公行罪積數世而
功德不及於民欲保邦而長世得乎

○

衛瓘
撫床

賈后
預政

孝惠皇帝名衷性不慧為太子時納妃賈氏充之女
也多權詐衛瓘嘗侍武帝陽醉跪于前以手撫床曰
此座可惜武帝悟密封尚書疑事令太子決之賈氏
大懼召外人具草直對令太子自寫武帝悅得不廢
至是即位陽與伴同詐也賈氏為皇后預政皇太后
楊氏乃帝母楊后之從妹父駿為太傅賈后殺駿而
廢殺太后殺太宰汝南王亮殺太保衛瓘殺楚王瑋

從去聲下辰叔伯以眾望用張華裴頌王戎管機要

女曰從妹瑋音偉顧五罪牛鬼二反華盡忠帝室后雖凶險猶知敬重與頡同

張華
盡忠
帝室
戎與
時浮
沉

心輔政數年之間雖暗主在上而朝野安靜戎與時
浮沉無所匡救性復貪吝田園徧天下執牙籌晝夜

會計家有好李恐人得其種常鑽其核凡所賞拔專

阮瞻
三語
掾

事虛名會音檜種上聲○牙籌象牙筭子阮咸之子
瞻見戎戎問曰聖人貴名教老莊明自然其旨異同

瞻曰將無同戎嗟歎良久遂辟之時號三語掾碎音

陳氏曰名教謂禮義躬行自然謂清虛無為是時王

衍為尚書樂廣為河南尹皆善清談衍神情明秀少

畢卓
盜飲

賈后
廢殺
太子

時山濤見之曰何物老嫗生此寧馨兒然誤天下蒼
生者未必非此人也少去聲寧音佞寧馨猶言如此也衍弟澄及阮
咸咸從子脩胡母輔之謝鯤畢卓等皆以任放為達
醉裸不以為非從去聲母音無裸魯果仄○胡母姓
比舍郎釀熟卓夜至甕間盜飲為守者所縛且視
之畢吏部也樂廣聞而笑之曰名教中自有樂地何
必乃爾比為皆去聲樂地之樂音洛○禮地官五家為比言其相聯比而居也初魏時
何晏等立論以天地萬物皆以無為本衍等愛重之
裴頠著崇有論不能救論去聲○太子適非賈后所生
后廢殺之征西大將軍趙王倫矯詔勒兵入宮廢后

孫秀
誣殺
石崇
倫加
九錫

齊王
問討
倫

殺之殺張華裴頠倫為相國通音聿○倫宜帝子也淮南王允
率兵討倫不克而死允武帝子也倫殺衛尉石崇崇有愛妾
綠珠倫嬖人孫秀求之不與秀誣崇奉允為亂收之
崇曰奴輩利吾財耳遂被殺綠珠愛妾名也倫自加九錫逼
帝禪位黨與皆為卿相奴卒亦加爵位每朝會貂蟬
滿座時人語曰貂不足狗尾續貂音凋○貂蟬冠名貂鼠內勁外溫蟬居
高飲潔因物取義以為冠飾也齊王問鎮許昌成都王穎鎮鄴河間
王顥鎮關中各舉兵討倫倫伏誅問俱承反顥與容反○問齊王攸之
子文帝孫也穎武帝子也顥未詳所出問輔政驕奢擅權顥使長沙王
又殺之又音刈也穎亦恃功驕奢已而與顥舉兵反

帝血誓
衣藏紹

又奉帝及穎戰穎將陸機戰敗被收歎曰華亭鶴唳
可復聞乎與弟雲皆為穎所殺復扶又反為去聲○
陳氏曰華亭縣名屬
松江機所封邑也穎進兵入京師為丞相已而還鄴
顯表穎為皇太弟東海王越奉帝征穎穎遣兵拒戰
于蕩陰乘輿敗績侍中嵇紹以身衛帝被殺血濺帝
衣穎奉帝入鄴左右欲浣帝衣帝曰嵇侍中血勿浣
也乘去聲○蕩陰縣
名屬鄴德浣濯也穎奉帝還洛顯將張方在洛遷
帝於長安顯廢太弟穎更立豫章王熾為太弟庚更音
東海王越發兵西入長安奉帝還洛以越輔政越為
太傅
錄尚穎先據洛陽已而奔長安又自武關奔新野遂
書事

部為分索
三國頭

北濟河收故將士為頓丘太守所執時范陽王虓鎮
鄴送穎於虓未幾被殺虓虛交反為去聲○新野縣
名屬鄴州頓丘郡名屬河東
今開州是也
太守謂馮嵩○慕容廆徙居大棘城廆自遼東徙居徒
為寇既而降以為鮮卑都督廆生皝自遼東徙居徒
河至是徙大棘城其部愈盛廆音隗皝音恍○
大棘城在遼東○索
頭合其國為三部索頭鮮卑別種也其
俗以索辮髮因號焉先是索頭拓
跋氏有質子在晉武帝遣歸既而拓跋力微又遣其
子入貢力微死子悉祿官立至是分為三部一居上
谷之北祿官自紆之一居代郡參合陂之北使兄子
猗色紆之一居定襄之盛樂故城使猗色弟廬紆

李雄
稱成都王

劉淵
稱漢王

之晉人附者稍衆猗色渡漠北巡西略諸國降附者三十餘國拓跋氏之盛始此拓音托跋蒲末及實音致樂音洛○參合陂地

名在朔州定襄縣名在并州○巴氏李雄自稱成都王巴即巴西郡屬順元

今頃慶府是也初雄兄特以流民入蜀旬月衆二萬

據廣漢進攻成都爲刺史羅尚所敗斬之弟流代領

其衆流死雄代之攻走羅尚遂入成都稱王爲去聲○廣漢

郡名屬四川今漢州是也○匈奴劉淵自稱漢王淵故南匈奴之

後匈奴由漢魏以來臣中國其先世自以漢甥冒漢

姓姊妹之子曰甥父豹爲左部帥生淵幼而雋異博習經史

嘗曰吾耻隨陸無武遇高帝而不能建封侯之業絳

灌無文遇文帝而不能興庠序之教豈不惜哉於是

兼學武事馬與俊同○隨謂陸何陸謂陸賈絳謂周

姿貌魁偉初爲侍子在洛豹死武帝以淵代爲五部

帥旣而爲北部都尉五部豪傑多歸之及帝世以爲

五部大都督成都王穎表爲左賢王嘗使將兵在鄴

表謂上表薦淵爲左賢王也淵子聰亦驍勇絕人博涉經史善屬

文彎弓三百斤駮音澆武也屬音竹綴也下同淵從祖宣曰漢亡以

來我單于徒有虛號無復尺土自餘王侯降同編戶

今吾衆雖衰猶二萬奈何斂手受役奄過百年司馬

氏骨肉相殘四海鼎沸左賢王英武超世復呼韓邪

五部
豪傑

夷狄
四起

之業此其時也

從去聲○伯叔祖曰從祖編戶謂
編次民籍也奄忽也鼎沸謂亂也乃

相與推之淵說穎請歸帥五部來助既至左國城宜

等推為大單于二旬間眾五萬都離石胡晉歸之者

愈眾乃建國號曰漢稱漢王

說音說○離石
縣名屬石州

淵有族

子曜生而眉白目有赤光幼聰慧有膽量亦好讀書

屬文射能洞鐵七寸至是為淵將

量好皆去聲○膽
量膽志度量也洞

也貫夷狄亂華之禍皆萌蘖於漢魏晉間至是乘中國

大亂始四起

蘖五割反○物直
出曰萌旁曰蘖

○帝中毒崩

中去
聲帝

昏愚天下大饑帝曰何不食肉糜

糜音眉
粥也

華林園開

蛙鳴帝曰彼鳴者為官乎為私乎左右戲之曰在官

地者為官在私地者為私

華林園在洛
陽為去聲

方皇后專政

時人知將亂索靖指洛陽宮門銅駝歎曰會見汝在

荆棘中耳

索蘇各反姓也銅駝
所鑄索駝也汝指銅駝

趙王倫亂後諸王

迭相殘滅天下大亂雜胡四起

雜胡謂劉李慕
容拓跋氏等

帝食

麵而崩或曰東海王越鳩之也

麵音面
麥餅也

在位十七年

改元者七曰永熙元永康永寧太安永興光熙太

弟立是為孝懷皇帝

諡去慈仁
短折曰懷

史斷曰惠帝昏愚不辨菽麥權在羣下政出多門

忠賢路絕讒諛得志交相互市皇后太子四廢五

復莫能詰問東奔西逸受制他人莫適為主上不

李雄稱帝
成國號
劉淵徙都平陽

保母后次不保妻子終不保其身食餅中毒弗知
禍端議者謂足以報曹氏受制於司馬懿者焉

○孝懷皇帝名熾當惠帝之十五年武帝子二十五人

兄弟相屠之餘存者三人而已熾其一也素好學故

立為太弟至是即位三人謂頴熾晏也○成都王李雄稱帝

國號成○漢主劉淵稱帝徙都平陽遣其子聰及石

勒等攻晉內郡以至洛陽內郡謂徐豫兖冀河內諸郡勒武鄉羯

人也先是嘗至洛陽倚上東門長嘯王衍識其有異

後為寇已而從漢羯音結○武鄉在瀋州羯虜別號也○漢主淵卒太

子和立其弟聰弒而代之○太傅東海王越遣兵入

徵天兵入

石勒殺王衍

劉曜陷洛陽

宿衛仍遣使以羽檄徵天下兵入援越自帥兵討石

勒率于項勒兵敗越軍執太尉王衍等衍自言火無

宦情不豫世事勒曰吾行天下多矣未嘗見此輩人

尚可存乎或曰彼皆晉之王公終不為吾用勒曰雖

然要不可加以鋒刃夜使人排牆殺之援音院○檄以尺二木板

為之有急則揮鳥羽於上言其疾也項縣各屬陳州排猶推也言推倒墻堵以逐殺之也○漢主

聰遣呼延晏將兵寇洛陽劉曜王彌石勒皆會遂陷

洛陽執帝送平陽尋被弒在位六年改元者一曰永

嘉秦王立於長安是為孝愍皇帝

史斷曰懷帝天資清邵過惡不彰而為胡漢所擒

俾著青衣侍宴行酒識者謂足以報齊王奪璽之忿焉

○

索綝迎帝入雍州

石勒陷鄴漢兵長安

孝愍皇帝名業吳王晏之子武帝孫也封秦王洛陽既陷荀藩奉王趨許昌時年十二己而索綝迎入雍州刺史賈疋等奉為皇太子建行臺盜殺疋鞠允領雍州懷帝凶問至乃即位於長安綝音琛雍去聲疋音雅鞠音曲○索綝臣姓名雍州九州之一即京兆也凶問訃音也○石勒遣石虎攻陷鄴而據之虎勒從子也○漢屢寇長安鞠允索綝屢敗之未幾漢兵連陷諸郡逼長安先陷外城允綝退守小城內外斷絕城中饑甚帝出降送平陽聰享羣臣命帝著青

衣行酒洗爵又使執蓋後遇害在位四年改元者一曰建興西晉自武帝至是凡四世五十二年琅琊王立於建業是為中宗孝元皇帝著音斫

史斷曰愍帝僅得虛名服廩不給荐被圍辱輿觀出降蒲伏虜庭洗爵執蓋識者謂足以報高貴鄉公墮車之痛焉

胡氏曰司馬炎篡魏以有天下然以創業垂統之君於風俗之衰恬不介意蓋自竹林七賢之徒以老莊虛無之教滅魏炎所知也使其平吳之後正風俗崇儒雅尚可匡救奈何付託既非其人而王

戎王衍輩崇尚清談遺落世事卒至八王構禍而
骨肉相殘二帝遠狩而冠履倒置是誰之過歟吁
老莊之學禍人國家如此後世人主可不戒哉

古今歷代標題註釋十九史略通考卷三之下

